

~~# 6~~

V.9 - V.10

□ Vols. VIII - XVI

Practice of medicine for Men and Women. By Seen Chan Yan.

In sixteen volumes.

Copy of an ancient Chinese work written ca. 100 B.C.

Printed in Shanghai, 1914

vols. VIII - XVI

Presented by Dr. Casey Wood  
Hongkong, Sept 26.26.



世臣劉學政

南

席

世臣劉學政



傷寒方上 凡九類

傷寒例第一 論三首

論曰易稱天地變化各正性命然則變化之迹無方性命之功難測故有炎涼寒燠風雨晦冥水旱妖災  
 蟲蝗怪異四時八節種種施化不同七十二候日月運行各別終其尋度方得成年是謂歲功畢矣天地  
 尚且如然在人安可無事故人生天地之間命有遭際時有否泰吉凶悔吝苦樂安危喜怒愛憎存亡憂  
 畏關心之慮日有千條謀身之道時生萬計乃度一日是故天無一歲不寒暑人無一日不憂喜故有天  
 行溫度病者即天地變化之一氣也斯蓋造化必然之理不得無之故聖人雖有補天立極之德而不能  
 廢之雖不能廢之而能以道御之其次有賢人善於攝生能知樽節與時推移亦得保全天地有斯瘴癘  
 還以天地所生之物以防備之命曰知方則病無所侵矣然此病也俗人謂之橫病多不解治皆曰日滿  
 自瘥以此致枉者天下大半凡始覺不佳即須救療迄至於病愈湯食既進折其善勢自然而瘥必不可  
 令病氣自在恣意攻人拱手待斃斯為誤矣今博採羣經以為上下二卷廣設備擬好養生者可得詳焉

小品曰古今相傳稱傷寒為難治之疾時行溫度是毒病之氣而論治者不判傷寒與時行溫度為異  
 氣耳云傷寒是雅士之辭天行溫度是田舍間號且不說病之異同也考之厥經其實殊矣所宜不同方  
 說宜辨是以略述其要經言春氣溫和夏氣暑熱秋氣清涼冬氣凜冽此四時正氣之序也久時嚴寒萬  
 類深藏君子固密則不傷於寒或觸冒之者乃為傷寒耳其傷於四時之氣皆能為病而以傷寒為毒者  
 以其最為殺厲之氣也中而即病名曰傷寒不即病者其寒毒藏於肌膚中至春變為溫病至夏變為暑  
 病暑病熱極重於溫也是以辛苦之人春夏多溫病熱病者皆由冬時觸冒寒冷之所致非時行之氣也凡  
 時行者是春時應暖而反大寒夏時應熱而反大冷秋時應涼而反大熱冬時應寒而反大溫此非其時而



千金要方

卷九

有甚氣是以一歲之中病無長少多相似者此時行之氣也傷寒之逐日深淺以施方治今世人得傷寒或始不早治或治不去病或日數久淹困乃告師苟依方次第而瘳則不中病皆宜臨時消息制方乃有效耳 華佗曰夫傷寒始得一日在皮當摩膏火灸之即愈若不解者二日在膚可依法鍼服解肌散發汗汗出即愈若不解至三日在肌復一發汗即愈若不解者止勿復發汗也至四日在胸宜服藜蘆丸微吐之則愈若病困藜蘆丸不能吐者服小豆瓜蒂散吐之則愈也視病尚未醒者復一法鍼之五日在腹六日入胃入胃乃可下也若熱毒在外未入於胃而先下之者其熱乘虛入胃即爛胃也其熱入胃須要下去之不可留於胃中也胃若實熱為病三死一生皆不愈胃虛熱入爛胃也其熱微者赤斑出此候五死一生劇者黑斑出者此候十死一生但論人有強弱病有難易得效相倍也得病無熱但狂言煩躁不安精彩言語不與人相主當者勿以火迫之但以猪苓散一方寸七服之當逼與新汲水一升或二升強飲之令以指喉中吐之病隨手愈若不能吐者勿強與水水停則結心下也當更以餘藥吐之皆令相主不爾更致危矣若此病輩不時以猪苓散吐解之者其死殆速耳亦可先去毒物及法鍼之尤佳夫飲膈實者此皆難治此則三死一生也病者過日不以時下則熱不得泄亦胃爛斑出春夏無大吐下秋冬無大發汗法冬及始春大寒時宜服神丹丸亦可摩膏火灸若春末及夏月始秋此熱月不宜火灸及重覆宜服六物青散若雀文行度瘴散赤散雪煎亦善若無方散及前者但單者柴胡散兩傷寒時行亦可服以發汗至再三發汗不解當與湯實者轉下之其脈朝夕駛者為游實也朝平夕駛者非游也轉下湯為可早與但當少與勿令大下且少與當數其間也諸虛煩熱者與傷寒相似然不惡寒身不疼痛故知非傷寒也不可發汗頭不痛脈不緊數故知非裏實不可下也如此內外皆不可攻而強攻之必遂損竭多死難全也此虛煩但當與竹葉湯若嘔者與橘皮湯一劑不愈為可重與也此法數用其有效驗傷寒後虛煩亦宜服此湯 王叔和曰夫陽盛陰虛 枳實枳實 汗之則死下之則愈陽虛陰盛 枳實枳實 下



機應若影響然則桂枝下咽陽盛則斃神機承氣入胃陰盛以凶平以凶若此陰陽虛實之交錯其候至微發汗吐下之相反其禍至速而醫術淺狹不知不識病者殞沒自謂其分至全冤魂塞於冥路夫死盈於曠野仁愛鑿能而不傷楚夫傷寒病者起自風寒入於腠理與精氣分爭榮衛不隔周行不通病一日至二日氣在孔竅皮膚之間故病者頭痛惡寒腰背強重此邪氣在表發汗則愈三日以上氣浮在上部填塞胸心故頭痛胸中滿當吐之則愈五日以上氣沉結在臧故腹脹身重骨節煩皮當下之則愈明當消病之狀候不可亂投湯藥虛其胃氣也經言脈微不可吐虛細不可下又夏月亦不可下也此醫之大禁也脈有沉浮轉能變化或人得病數日方以告醫雖云初覺視病已積日在身其疹瘵結成非復發汗解肌所能除當診其脈隨時形勢救解求免也不可苟以次第為固失其機要乃致禍矣此傷寒次第病三日以內發汗者謂當風解衣夜臥失覆寒濕所中并時有痲疫賊風之氣相染易為邪惡所中也至於人自飲食生冷過多腹臑不消轉動稍難頭痛身溫其脈實大者便可吐下之不可發汗也陳廩邱云或問得病連服湯藥發汗不出如之何答曰醫經云連發汗汗不出者死病也吾思之可蒸之如蒸中風法熱濕之氣於外迎之不得不汗出也後以問張苗苗云曾有人作事疲極汗出卧單簟中冷得病但苦寒倦諸醫與丸散湯四日之內凡八過發汗汗不出苗令燒地布桃葉蒸之即得大汗於被中就粉傳身使極燥乃起便愈後數以此發汗汗皆出也人性自有難汗者非惟病使其然也蒸之則無不汗出也諸病發熱惡寒脈浮洪者便宜發汗溫粉粉之勿令遇風當發汗而其人適失血及大下利則不可大汗也當少與桂枝湯使體潤黎黎汗出連日當自解也論曰凡人有少苦似不如平常即須早道若隱忍不治冀笑自瘥須臾之間以成固疾小兒女子益以滋甚若時氣不和當自戒謹若小有不和即須治療尋其邪由及在腠理以時早治鮮不愈者患人忌之數日乃說邪氣入臟則難可制止雖倉扁亦無能為也癰疽疔腫喉痺客忤尤為其急此自養生之要凡作湯藥不可避晨夜時日吉凶覺病須臾即宜便治不等早晚則易愈矣服藥當如方法若縱意違師不須治之凡傷寒多從風寒得之始表中風



寒入裏則不消矣未有溫覆而尚不消也凡得時氣病五六日而渴欲飲水飲不能多不當與也所以兩  
者腹中熱尚少不能消之便更為人作病矣若至七八日大渴欲飲水者猶當候證而與之與之勿令極  
意也言能飲一斗者與五升若飲而腹滿小便澀若喘若噦不可與之忽然大汗出欲自愈也人得病能  
飲水欲愈也 凡溫病可鍼刺者五十九穴又身之穴六百五十有五其三十六穴灸之有害七十九穴  
刺之為災 論曰夫尋方學之要以救速為貴是以養生之家須預合成款藥以補倉卒之急今具之於  
左

辟瘟第二方三十三首

屠蘇酒

辟疫令人不染溫病及傷寒之方

大黃射五

白朮

桂心各射

桔梗

蜀椒各射

烏頭六射

菝葜射二

右七味吹咀絳袋盛以十二月晦日中懸沉井中令至泥正月朔旦平曉出藥置酒中煎

數沸於東向戶中飲之屠蘇之飲先從小起多少自在一人飲一家無疫一家飲一里無疫飲藥酒得

三朝還淨置井中能仍歲飲可世無病當家內外有井皆悉著藥辟溫氣也 一方有防風一兩○又

又 正月旦取東行桑根如指長七寸以丹塗之懸門戶上又令人帶之○又方 正旦吞麻子赤小

豆各二十七粒又以二十七粒投井中○又方 常以七月七日合家吞赤小豆向日吞二十七枚○又

方 七月七日男吞大豆七枚女吞小豆二十七枚○又方 神仙教人立春後有庚子日溫蠶菁菹汁

合家大小並服不限多少

太乙流金散

辟溫氣方

雄黃

三兩

雌黃

二兩

礬石

半兩

鬼箭羽

一兩半

荊羊角

燒二 右五味治下

篩三角絳袋盛一兩帶心前并挂門戶上若逢大疫之年以月旦青布裹一刀圭中屏燒之溫病人亦

燒熏之

雄黃散

辟溫氣方

雄黃

五兩

硃砂

菖蒲

鬼白酪二

右四味治下篩以塗五心額上鼻人中及

耳門



殺鬼燒藥方 辟溫氣 雄黃 丹砂 雌黃各一 羚羊角燻得 蕪荑 虎骨 鬼白 鬼箭藥 野

丈人頭白 石長生 瑕猪尿 馬懸蹄各二 青羊脂 芎藭 白木各八 蜜蠟八斤 右十六味末之

以蜜蠟和為丸如彈許大朝暮及夜中戶前微火燒之

虎頭殺鬼圓 辟溫方 虎頭五兩 砒砂 雄黃 雌黃各半 鬼白 皂莢 蕪荑各一 右七味末之

以蜜蠟和為丸如彈子大絳袋盛繫臂男左女右懸屋四角晦暮夜半中庭燒一圓

辟溫殺鬼圓 熏百鬼惡氣方 雄黃 雌黃各二 龍骨 龜甲 鱖鯉甲 蝟皮各三 羚羊角 虎骨

各七 檮雞十五 空青一兩 芎藭 真珠各五兩 東門上雞頭一兩 右十三味末之燻蠟二十兩并手圓

如梧子正旦門戶前燒一圓帶一圓男左女右辟百惡獨宿弟喪問病各吞一圓小豆天陰大霧日

燒一九於戶牖前住

雄黃圓 漢建炎二年太歲在酉疫氣流行死者極眾有書生丁季迴從蜀青城山來東過南陽從西市

門入見患疫癘者頗多遂於囊中出藥人各惠之一圓靈藥害層疾無不瘥市中疫鬼數百餘見書生

施藥悉皆驚怖而走乃有鬼王見書生謂有道法兼自施藥感眾鬼等奔走若是遂詣書生欲求受其

道法書生曰吾無道法乃囊中之藥呈於鬼王鬼王觀藥驚惶叩頭乞命而走此方藥帶之入山能辟

虎狼蛇蟲入水能除水怪蛟蜃 雄黃 雌黃 曾青 鬼白 真珠 丹砂 虎頭骨 桔梗 白

木 女青 芎藭 白芷 鬼督郵 蕪荑 鬼箭羽 藜蘆 芎藭 皂莢各一 右十八味末之

蜜丸如彈子大絹袋盛男左女右帶之卒中惡病及時疫吞如梧子一九燒彈大一丸戶內

赤散 辟溫疫氣傷寒熱病方 藜蘆 躑躅花各一 丹皮 皂莢各六 附子 桂心 真珠各六 細

辛 乾薑各一 右九味末之內真珠合治之方寸七絳置囊中帶之男左女右著臂自隨覺有

病之時便以粟米大內著鼻中又酒服一錢七覆取汁日三服當取一過汗耳○又方 凡時行疫癘

常以月望日細判東引桃枝煮湯浴之



粉身散 辟温病常用方 芎藭 白芷 藿本銘等 右三味治下篩內米粉中以粉身

斷温疫轉相染著乃至滅門延及外人無敢視者方 赤小豆 鬼箭羽 鬼白 雄黃銘二 右四味

末之以蜜和服如小豆一九可與病人同牀無妨

預備一物柏枝散 天氣不和疾病流行方 取南向柱中柏東南枝曝令乾搗末酒服方寸七神良

治温病不相染方 以桃樹中蠹屎末之水服方寸七○又方 木鼓等分酒浸服之妙○又方 赤豆

一升新布袋盛內井中三日出舉家服二十七枚○又方 松葉末之酒服方寸七日三服

治温令不相染方 新布袋盛大豆一升內井中一宿出服七枚○又方 白蜜和上色硃砂粉一兩以

太歲日平旦大小勿食向東方立吞服三七丸如麻子大勿令齒近之并吞赤小豆七枚投井泉中

治瘡氣方 蒜五十并 歧心一升 右二味以三歲男兒尿二升煮五六沸去滓服之之設 諫疑葱 ○又方

青竹如二升以水四升煮取三升分作三服

〔衍義〕辟温諸方有歲時預防而設有時氣不正而設然有內服有外佩有焚燒有懸挂有內鼻繫臂

粉身浴體及投井中種種不同總取辟除惡毒異氣之義屠蘇酒方中首取大黃推陳致新白木安中

正氣桔梗升清降濁蜀椒辟邪下氣挂心破陰助陽烏頭祛邪辟惡拔莖逐穢除邪七味藥中惟藉烏

頭為王帥椒桂左右輔弼白朮守營大黃奪寨桔梗拔莖中外宣使一本有防風酒煎向東飲取其生

氣隔歲置井中盡室均沾之意 自東行桑根方至蕪菁菹汁六方皆歲時預防之法 自太乙流金

丹至粉身散九方咸用雄黃硃砂兔白兔箭虎頭羚羊等藥皆時氣不正辟邪之方 自斷温疫至青

竹如十方皆吞服小方廣收以便取用原無分於彼此也

治患露氣者心內煩悶少氣頭痛項急起則眼眩欲倒身微熱戰掉不安時復憎寒心中欲吐吐時無物

方 新猪尿二升半內好酒一升攪令散以生布絞取汁更以綿濾頓服之取盡即地鋪暖卧覆益鋪

前著火常汗出若得汗當細細去上衣勿使心寒寒即不墜看汗自乾乃起真風冷亦治瘧及鼠疫



毒

行義 霧從地濕蒸發皆平時所受穢惡之氣發則迷漫大地即時氣鬱蒸之類壯者氣勝無傷怯者著而成病則有煩心頭痛目眩身熱欲吐等證長沙所謂陽中霧露之氣故取水獸之遺以辟水土之邪服後卧地向火取汗使鬱蒸之氣仍從上解嘗見嬰孩麻疹著寒陷伏喘脹兒科用猪屎大桶沸湯中置淋簾下執蒸如霧良久通身得汗麻即汗發藥所不及而此能療之勿以穢惡而鄙棄不錄也

治肝腑臟濕病陰陽毒頸背雙筋牽先寒後熱腰強急縮目中生花方 桂心一兩 白朮 芒硝 大青 梔子略 柴胡五兩 石膏 生薑略 生地黃 香豉略 右十味吹咀以水九升煮取三升分三服

治肝腑臟濕病陰陽毒先寒後熱頸筋攣牽面目赤黃身中直強方 元參一兩 細辛二兩 梔子 黃芩 升麻 芒硝略 石膏八兩 竹葉切 五車前草二升 右九味吹咀以水一斗半者竹葉車前取七升去滓下諸藥煎至三升內芒硝分三服

治心腑臟濕病陰陽毒戰掉不安驚動方 大青 黃芩 梔子 知母 芒硝略 麻黃四兩 元參六兩 石膏 生葛根各八兩 生地黃切 右十味吹咀以水九升煮取三升去滓內芒硝分三服

治脾腑臟濕病陰陽毒頭頸直皮肉痺結核隱起方 大青 羚羊角 升麻 射干 芒硝略 梔子四兩 寒水石五兩 元參八兩 右八味吹咀以水七升煮取三升分三服

治肺腑臟濕病陰陽毒咳嗽連聲不絕嘔逆方 麻黃 梔子 紫菀 大青 元參 葛根略 桂心 甘草略 杏仁 前胡略 石膏八兩 右十一味吹咀以水九升煮取三升分三服

治腎腑臟濕病身面如刺腰中欲折熱毒內傷方 茵陳蒿 梔子 芒硝略 苦參 生葛根略 生地黃 石膏略 葱白 豉略 右九味吹咀以水九升煮取二升半下芒硝分三服

行義 溫病從內發外雖有臟腑之分却無陰陽之辨以邪伏身中既久內外血氣無不受其蘊毒也



其首言肝腑臟病肝與膽合膽為陰陽之樞所以證先寒後熱項背筋急等患肝藏血故以生地黃涼血之味統太青石膏梔子芒硝疎其宿蘊之毒桂心柴胡香豉生薑泄其在經之熱白朮斷其復入之路也 其第二方亦證見寒熱有面目黃赤似乎木邪乘土究竟肝熱居多故以芒硝石膏梔子黃芩

元參湯熱藥中略兼升麻細辛透達經邪車前竹葉并通滲道以開泄熱之路也 心腑臟溫却無寒熱而見戰掉火之象也心主血故亦用生地黃統攝大青石膏梔子芒硝及元參黃芩與肝腑臟無異以心部於表故用麻黃開發肺氣以散在表之熱葛根知母輔石膏流行胃津以滋火氣之燔灼也

脾腑臟溫而證見頭重頸直皮肉痺結故用射干散結氣羚羊角辟惡毒不祥太青梔子元參芒硝寒水石以攻熱毒升麻引入脾經也 肺腑臟溫而見咳嗽嘔逆是肝病而兼胃熱毒逆也太青石膏梔子元參乃治溫專藥麻黃桂心杏仁前胡紫菀甘草泄肺專藥葛根非佐石膏解利陽明之熱乎 腎腑臟溫而證見熱毒內傷腰中欲折不用知母反用茵陳苦參祛滌濕熱之味佐石膏芒硝生地黃以

辟毒邪專取香豉以靜少陰之源梔子以除膈上之煩生葛以行胃中之津葱白以通陰中陽氣也 葳蕤湯 治風溫之病脈陰陽俱浮汗出體重其息必喘其形狀不仁嘿嘿但欲眠下之者則小便難發其汗者必讞語如燒鍼者則且矐難言但吐下之則遺失便利如此疾者宜服之方 葳蕤 白薇

麻黃 獨活 杏仁 芎藭 甘草 青木香各三兩 石膏五兩 右九味咬咀以水八升煮取三升去滓分三服取汗若一寒一熱加朴硝一分及大黃三兩下之小品方云葳蕤湯治冬溫及春月中風傷寒則發熱頭腦痛咽乾舌強骨肉疼心

胸痞滿 腰背強

**行義** 風溫之病長沙但言脈證而無治療之方千金補所未逮特立葳蕤湯為專藥蓋風溫由溫病

誤發其汗而成經言太陽病發熱而渴者為溫病若發汗已身灼熱者為風溫此兩節一氣貫下陳氏不當以註釋間斷致後人作兩截看意謂風溫別是一證多生疑障且本例後一逆尚引日再逆促命

胡春語以為不可效藥東晉時罷也原夫冬時之邪火感少陰至春發為公積大腸之溫時當風木主



浮益腎脈本當沉也風溫載之從太陽上入根本勝而枝葉萎矣其證自汗身重多眠鼻鼾語難一皆腎之本病詎意發熱之初不及理脈輕犯汗戒腎中伏邪從風外擾灼熱漫無止期胃中熱甚譫語不休神識不能主持可知若被下者小便不利直視失溲膀胱氣化受傷與少陰同時告竭也被火者微則熱傷營氣而瘀熱發黃劇則熱甚生風而如驚癇時瘧雁火熱亂其神明擾其經脈也如燒鍼則耳聾難言但吐少陰伏火上攻本經之竅也少陰脈系咽喉乾痛乃至吐逆唾血多死一逆發汗己是引日待斃再逆火迫神丹莫救矣內經刺熱論溫營交之後病內連腎評熱論溫專言穀氣腎中精勝得汗則生腎中精敗更熱則死長沙更出不盡之藏論腎更視膀胱以緯之膀胱氣化受傷則直視失溲命門精氣告竭神水不能照物其能生乎千金體究長沙餘蘊悟得發汗後汗出而喘無大熱者可與麻黃杏仁甘草石膏湯借此以治溫病汗後灼熱兼取麻黃升麻湯中葳蕤合麻杏甘草僅取方中四味而麻黃升麻湯之格局儼然葳蕤滋腎益肺內化厥陰火熱外通少陽風氣佐石膏以降逆滿獨活芍藥杏仁佐麻黃以解鬱蒸得石膏之寒化不獨解表并能散火甘草一味專和麻黃杏仁之性也此方中葳蕤白薇青木香石膏自是一路為方中之主麻黃杏仁芍藥獨活自是一路為方中之實作兩路看方得實主歷然之妙深得風溫主治之奧即更遇於風變為風溫之病則當以葛根黃芩黃連湯為主治葳蕤湯加減尤為合宜多有熱傷津液無大熱而渴者不妨裁去麻杏易入葱豉以通陽鬱結婁以滋津液喘息氣上芍獨亦勿輕試虛不勝寒石膏難以概施或以竹葉清心茯苓守中則補救備至於以補千金之末逮

傷寒膏第二方三首

青膏 治傷寒頭痛項強四肢煩疼方 當歸 芍藥 蜀椒 白芷 吳茱萸 附子 烏頭 甘草 略三 右八味吹咀以醕苦酒漬之再宿以猪脂四斤煎令藥色黃絞去滓以溫酒服棗核大三枚日



三服取汗不知稍增可服可摩如初得傷寒一日苦頭痛背強宜摩之佳

黃膏 治傷寒赤色頭痛項強賊風走注方 大黃 附子 細辛 乾薑 蜀椒 桂心各半 巴豆七

枚 右七味吹咀以醋苦酒漬一宿以臘月猪脂一斤煎之調適其火三上三下藥成傷寒赤色發熱

酒服如梧子大一枚又以火摩身數百過兼治賊風絕良風走肌膚遊風所在摩之神效此趙泉方也

白膏 治傷寒頭痛向火摩身體酒服如杏核一枚溫覆取汗摩身當干過藥力乃行并治惡瘡小兒頭

瘡牛領馬鬃皆治之先以鹽湯洗之以布拭之傅膏攤腫火炙摩干過日再自消者方 天雄 烏頭

莽草 羊躑躅各三 右四味吹咀以苦酒三升漬一宿作東向露竈又作十二聚濕土各一升許大

取成煎猪脂三斤著銅器中如竈土炊以葦新令釋內所清藥炊令沸下著土聚上沸定復上如是十

二過令土盡遍藥成去滓傷寒咽喉痛含如棗核一枚日三摩時令勿近日

行義 西北風氣剛勁腠理緻密故取辛熱製膏摩服兼進內外透達以治冬時正傷寒寒氣嚴凝之

病東南陽氣易動良非所宜即使西北伏氣發於春夏者咸為切禁

發汗散第四方十一首

度瘡發汗膏散 治傷寒赤色惡寒發熱頭痛項強體疼方 麻黃半兩 桔梗 細辛 吳茱萸 防風

白朮各一兩 烏頭 乾薑 蜀椒 桂心各半兩 右十味治下節溫酒服方寸七溫服取汗汗出止若

不得汗汗少不解復服如法若得汗足如故頭痛發熱此為內實當服駛鼓丸若崔氏解散如得便頭

重者可以二大豆許內鼻孔中覺燥涕出一日可三四度必愈兼辟時行病

行義 汗散十餘方病因不同毫釐不辨相背千里如度瘡毒散乃治山嵐瘴氣之方雖用麻黃草防

結透表發汗全賴烏桂椒薑木溫中散邪專為面赤戴陽而設設服之不應頭疼發熱如故此必內

有實邪固結又為陽明病面合赤色急須駛鼓丸迅掃中外不當以面赤為虛陽上泛而致扼腕也

五苓散 主時行熱病但狂言煩躁不安精彩言語不與人相當者方 猪苓 白朮 茯苓 白朮 桂心

茯苓 白朮 桂心



附二澤瀉註十 右五味治下節水服方十七日三多飲水汗出即愈

**行義** 五苓散本太陽熱邪犯本及水逆煩渴之方千金借治時行熱病之熱乘心至狂言煩燥精采不與人相當取桂心為嚮導引諸邪從水道開泄也又至瘦人臍下有悸吐涎沫癩眩而濕熱發黃亦取用之金匱方如茵陳尤為合轍

**崔氏行解散** 治時氣不和傷寒發熱者方 桔梗 細辛<sup>略四</sup> 白朮<sup>八兩</sup> 烏頭<sup>一斤</sup> 右四味治下節

若中傷寒服錢五七覆取汗解若不覺復小增之以知為度若時氣不和且服錢五七辟惡氣欲省病者服一服皆酒服

**行義** 時行有冬春之不同南北之區別此專主西北冬時時氣不正之病以西北風高氣烈非烏頭風藥不能通達嚴厲之氣佐以白朮實脾祛風細辛內搜經絡桔梗外開皮腠也

**六物青散** 治傷寒赤色惡寒方 附子 白朮<sup>各二兩</sup> 芍藥<sup>二兩</sup> 防風<sup>二兩</sup> 細辛<sup>一兩</sup> 烏頭<sup>一兩</sup> 右

六味治下節以溫酒服五七不知稍增之服後食頃不汗出者進溫粥一杯以發之溫覆汗藪藪可也勿令流離勿出手足也汗出止若汗大出不止者溫粉粉之微者不須粉不得汗者當更服之得汗而

不解者當服神丹丸

**行義** 青散即前解散加附子防風以搜少陰之邪專為面赤戴陽而設得汗不解當服神丹專取半夏烏頭反敷以祛寒氣厥逆也

**青散** 治春傷寒頭痛發熱方 苦參 厚朴 石膏<sup>各三兩</sup> 大黃 細辛<sup>略二</sup> 麻黃<sup>五兩</sup> 烏頭<sup>五枚</sup> 右

七味治下節覺傷寒頭痛發熱以白湯半升和藥方寸匕投湯中熟訖去滓盡服覆取汗汗出溫粉粉之良久一服不除宜重服之或當微下利者有大黃故也

**行義** 青散專治西北傷寒內外熱邪交結故首取苦參以治心腹結氣佐厚朴石膏大黃開泄於內細辛麻黃開發於外苦參得烏頭共解心腹寒熱互結之邪也



認誓發汗白薇散 治傷寒三日不解者方 白薇射一杏仁 貝母各射麻黃八兩 右四味治下節

酒服方寸七自覆汗出即愈

**行義** 此於麻黃湯中以白薇之苦泄易桂枝貝母之甘寒易甘草治傷寒三日不解既散表邪兼解

內熱麻黃湯之變法也

華佗赤散 治傷寒頭痛身熱服背強引頸及中風口噤瘧不絕婦人產後中風寒經氣腹大方 丹砂

射二蜀椒 蜀漆 乾薑 細辛 黃芩 防己 桂心 茯苓 人參 沙參 桔梗 女萎即萎

烏頭各射雄黃四射吳茱萸十麻黃 代赭各半 右十八味治下節酒服方寸七日三耐藥者二

七覆令汗出欲治瘧先發一時所服藥二七半以意消息之細辛薑桂丹砂雄黃不熬餘皆熬之

**行義** 麻烏辛桂椒薑棗萸一派辛溫散表藥中而兼黃芩女萎砂桔防己清解麻烏等執毒參苓守

五臟真氣丹砂雄黃性雖重著得麻烏薑辛鼓舞之力當無鬱遏邪氣之虞代赭鎮攝逆氣本經有治

賊風蠱毒腹中毒邪女子赤沃漏下之功蜀漆專主寒熱痰積故可兼治瘧證之寒熱不絕

赤散 治傷寒頭痛項強身熱腰瘡痛往來有時方 乾薑 防風 沙參 細辛 白朮 人參 蜀

椒 茯苓 麻黃 黃芩 代赭 桔梗 吳茱萸各一附子一枚 右十四味治下節先食酒服一

錢七日止

**行義** 即前華佗赤散中除去丹砂雄黃烏頭蜀漆防己桂心女萎而易白朮附子防風與前方格局

雖同頭緒頗清方中白朮即前方之茯苓附子即前方之烏頭防風即前方之防己也

烏頭赤散 治天行疫氣病方 烏頭半兩皂莢半兩雄黃 細辛 桔梗 大黃各一 右六味治下

節清酒或并花水服一刀圭日二不知稍增以知為度除時氣疫病若牛馬六畜中水行疫亦可與方

寸七人始得病一日時服一刀圭取兩大豆許吹著兩鼻孔中

**行義** 此治天行疫氣之病故用烏頭雄黃辟除邪毒於內細辛桔梗開發經氣於上皂莢大黃降泄



執毒於下也

水解散 治時行頭痛壯熱一二日方 桂心 甘草 大黃略 麻黃四兩 右四味治下節患者以

生熟湯浴訖以暖水服方寸七日三覆取汗或利便瘥力強人服一方寸七延平秘錄有黃芩芍藥各

芍藥治天行熱病生瘡 瘡疼痛及解肌出汗

**衍義** 此於麻黃湯中除去杏仁而易大黃是汗劑而兼下法從桂枝大黃湯化出中風門中三化湯

則於承氣湯加羌活乃下劑而兼汗法又從此方變出

治時病表裏大熱欲死方 大黃 寒水石 芒硝 石膏 升麻 麻黃 葛根 紫葛各等 右八

味治下節水服方寸七日二

**衍義** 大黃石膏芒硝寒水石治裏之大熱麻黃升麻葛根紫葛治表之大熱亦當作質主兩路看一

本無紫葛有甘草取其聯合質主也

發汗湯第五 例一首 方十九首

例曰大法春夏宜發汗凡發汗欲令手足皆周至熱然一時間許益佳但不可如水流離震索耳若病不

解當更重發汗汗出多則亡陽陽虛不可重發汗也凡服湯藥發汗中病便止不必盡劑也凡云可發汗

而無湯者圓散亦可用要以汗出為解然不及湯隨證良驗凡病無故自汗出復發其汗愈衛復和故也

夫脈浮者病在外可發汗宜桂枝湯 夫陽脈浮大而數者亦可發汗宜桂枝湯 夫病常自汗出者

此為營氣和營氣和而外不解此為衛氣不和也營行脈中衛行脈外復發其汗衛和則愈宜桂枝湯

夫病人臟無他病時時發熱自汗出而不愈者此衛氣不和故也先其時發汗則愈宜桂枝湯 太陽病

發熱汗出者此為營弱衛強故令汗出欲救邪風宜桂枝湯 太陽病頭痛發熱汗出惡風寒宜桂枝湯

太陽病下之微喘者表未解也宜桂枝加厚朴杏仁湯 太陽病外證未解者不可下宜桂枝湯 太

陽病先發其汗不解而復下之其脈浮者不愈浮為在外而反下之故令不愈今脈浮故知在外當須解



表則愈宜桂枝湯 太陽病下之氣上衝者可與桂枝湯不上衝不可與 凡桂枝本為解肌若脈浮緊發熱無汗者勿與之常知此勿誤也

桂枝湯 治中風其脈陽浮而陰弱陽浮者熱自發陰弱者汗自出漉漉惡風淅淅惡寒翕翕發熱鼻鳴

乾嘔方 桂枝 芍藥 生薑三兩 甘草二兩 大棗十二 右五味以水七升煮

棗令爛去滓乃內諸藥水少者益之煮令微沸得三升去滓服一升日三小兒以意減之初服少多便

得汗出者小閱其間不得汗者小促其間令藥勢相及汗出自護如法持須避風病若重宜夜服若服

一劑不解病證不變者當復服之至有不肯汗出服兩三劑乃愈服此藥食頃飲熱粥以助藥力

衍義 桂枝湯古稱湯液之祖太陽經風傷衛之首方風傷於陽所以脈浮發熱邪迫於陰所以脈弱

自汗漉漉惡風淅淅惡寒翕翕發熱皆自汗表虛之徵驗非若寒傷營之壯熱身疼也鼻鳴乾嘔者陽

邪上攻漸次欲傳陽明之界故桂枝和營達衛芍甘護營守中薑棗助桂芍以除寒熱服後吸熱稀粥

助力取汗不使復傳他經至於隨證加減信手成方但有太陽經諸例便得長沙之妙用無窮何憚心

手不靈活乎

麻黃湯 治傷寒頭及腰痛身體骨節疼發熱惡寒不汗而喘方 麻黃三兩 桂枝 甘草二兩 杏仁七

枚喘不甚 右四味以水九升煮麻黃減二升去沫內諸藥者取二升半絞去滓服八合覆令汗

衍義 麻黃湯太陽經寒傷營之專藥寒氣剛勁故令脈緊急受邪鬱所以壯熱熱蒸於上所以頭痛

骨節煩疼而喘皆熱邪內鬱不得汗泄之故故用麻黃杏仁開發肺氣於上桂枝甘草調和營血於內

不使隨汗外脫脫或尺中遲微又為營虛血少不能勝任麻黃即當改用小建中以中有膠飴助胃蒸

發可無凶陽厥逆之虞也

大青龍湯 治中風傷寒脈浮發熱惡寒身體痠痛汗不出煩燥方 麻黃六兩 桂枝 甘草二石

膏如雞子 杏仁四十 大棗十二 右七味以水九升煮麻黃去沫乃內諸藥者以



分服一升厚覆當大汗出溫粉粉之即止不可再服服之則筋惕肉瞤此為逆也不汗乃再服

行義 麻黃湯專主寒傷營之無汗脈緊桂枝湯專主風傷衛之自汗脈緩二湯雖同為太陽經藥而

實開發心肺之邪青龍湯專主營衛俱傷以喻龍之兩角能通營衛兩歧也三方勢若鼎分故千金並

列湯液之首詳方下所云全是寒傷營之麻黃湯證惟不汗出而煩躁與無汗而喘稍有分別蓋寒邪

拒閉則無汗風邪疎豁則汗泄今風寒兩傷又以寒重風輕雖風邪欲作汗解而寒邪固閉不得出所

以煩躁不寧與寒傷營之但喘而不躁擾神氣自能主持則有輕重之分恐人不能辨晰反以中風二

字首為昭揭千金又以中風傷寒疊舉開示總不出大青龍之桂枝麻黃二湯合治也 然營衛俱傷

亦有風重寒輕而見脈浮緩不緊身但重不疼且乍有輕時一一見證似乎風傷衛象即身重一證明

非陽受風邪且乍有輕時又非營傷身皮變急之比洵為寒輕風重無疑猶恐醫師不察反以傷寒二

字目之故拋疑團欲人深切致思庶無輕舉妄治之失以風傷衛證居多故於桂枝湯中除去薑棗如

麻黃乾薑細辛半夏潑痰治咳五味子收斂津氣則小青龍為至當觀金匱治咳逆倚息不得卧用小

青龍下已猶不出桂苓五味甘草等味陳註傷寒論誤作大青龍發之非但滋謬後學抑且紊亂聖經

愚不自揣敢力正之世之知我罪我所不惜也

陽毒升麻湯 治傷寒一二日便成陽毒或服藥吐下之後變成陽毒身重腰背痛煩悶不安狂言或走

或見鬼或吐血下痢其脈浮大數面赤斑斑如錦文咽喉痛唾膿血五日可治至七日不可治宜服方

升麻 甘草略半當歸 蜀椒 雄黃 桂心略六 右六味以水五升煮取二升半分三服如

人行五里進一服溫覆手足毒出則汗汗出則解不解重作服之得吐亦佳仲景無桂心有蟹甲手大

錄驗有梔子六錄 蟹甲如手一片

陰毒甘草湯 治傷寒初起一二日便結成陰毒或服藥六七日已止至十日變成陰毒身重背強腹中

絞痛咽喉不利毒氣攻心心中堅強短氣不得息嘔逆唇青面黑四肢厥冷其脈沉細緊數仲景云此



陰毒之候身如被打五六日可治至七日不可治也方 甘草 升麻各半 當歸 蜀椒各六 鱉甲一

兩 右五味咬咀以水五升煮取二升半分三服如人行五里頃更進一服温服發汗毒當從汗出汗

出則愈若不汗則不除重作服仲景方 無蜀椒

**衍義** 按陽毒陰毒治例長沙不入傷寒而列之於金匱者以見證龐雜六經例中無一可歸乃次之

於百合狐惑證下首言陽毒之病面赤斑斑如錦紋咽喉痛唾膿血五日可治七日不可治升麻鱉甲湯去雄黃蜀

椒主之次言陰毒之為病面目青身痛如被杖咽喉痛五日可治七日不可治升麻鱉甲湯去雄黃蜀

椒主之或問陽毒發斑大熱何反怒用辛烈陰毒面青身痛何反除去蜀椒雄黃願聞其義何居因謂

之曰夫陰陽二毒一皆熱毒極其致五日可治七日當死其毒在陽分則面赤斑如錦文以毒邪亢極

若用寒藥折之非徒扞格不入必致烈焰飛騰崑崙滅頂惟有從治一法可望其毒隨熅息圖僥倖於

萬一非故趨難險以誇奇特也其毒陷陰分則面青身如被杖以熱邪內伏若用辛烈從治擔薪救焚

以火濟火五內裂崩勢所必致然升散之法勢在必需温順之法在所切戒因於升麻鱉甲湯中除去

雄黃蜀椒二味其在陽毒方中專解陽邪亢逆在陰毒方中恐其助火虐陰故除去不用僅取升麻之

升散火氣當歸之通調營血鱉甲之削肝護陰甘草之解毒安中其間取舍之機各有至理非深達長

沙化機難以語此千金又以西北風高土厚升麻鱉甲方中蜀椒雄黃性雖雄烈尚鮮辛散之功因去

鱉甲而易桂心更其方曰陽毒升麻湯以治陽毒面赤發斑之證又於陽毒升麻湯中除去雄黃桂心

進用鱉甲更其方曰陰毒甘草湯以治陰毒面青身如被杖之證則仍不離長沙之繩墨耳陰陽二毒

證治瀕危所不待言設當風土柔弱天時和煦病人真陰不充因誤藥變成二證者又當從金匱原方

未嘗不合於治也若夫陰寒極甚之陰毒則與中寒無異又當從事薑附不當與此牽合

豨旦湯 治傷寒肢節疼痛內寒外熱虛煩方 芍藥 甘草各二 乾薑 黃芩各三 桂心 四兩 大棗十

枚 豨旦各一 麻黃二 附子一枚 芍藥二 甘草二 乾薑二 黃芩二 桂心四 大棗十

豨旦湯 治傷寒肢節疼痛內寒外熱虛煩方 芍藥 甘草 乾薑 黃芩 桂心 大棗



陽旦湯 治傷寒中風脈浮發熱往來汗出惡風頭項強鼻鳴乾嘔桂枝湯王之隨病如減如左本以  
泉水一斗煮取四升分服一升日三如汗者去桂枝加附子一枚渴者去桂加栝蒌三兩利者去芍藥  
桂加乾薑三兩附子一枚炮心下悸者去芍藥加茯苓四兩虛勞裏急正陽旦王之煎二升內膠飴半  
斤為再服若脈浮緊發熱者不可與之

**衍義** 陰旦者陰凝開霽之象病人中氣本虛而傷犯客邪表雖疫熱而內則虛寒故於桂枝湯中加  
乾薑黃芩分治本虛標熱則太氣布而胸次廓然如離照當空自然陰霾無著矣 陽旦者陽和敷布  
之象病人素稟偏陽而觸冒風氣裏不伏邪而外顯微熱故於陰旦湯中除去乾薑之助陽但取黃芩  
以化熱陰陽各得其平而無偏勝之厄然在素稟陽虛之人誤投禍不旋踵觀太陽例中傷寒脈浮自  
汗出二條則知陽旦之關係非細夫脈浮自汗出風傷衛證也風為陽邪本當自汗以寒邪外閉不能  
透出半伏心包所以心煩微惡寒也小便數腳攣急又為陽虛暗伏少陰危證於中也此本營衛俱傷  
恐人見其脈浮自汗誤認風傷衛證故長沙特以傷寒二字貫之例首非但陽旦桂枝不可誤與即營  
衛俱傷之兼有少陰證者則大小青龍尤為切禁惟小建中湯為之合劑凡尺中微遲營氣不足血少  
之證總不出此然與陽旦祇爭一味妙在膠飴之甘緩不得助桂作汗抑且實脾澀水與陽旦方中黃  
芩苦寒閉邪傷犯中州功過天淵誤服陽旦而厥逆咽乾兩脰拘急者則參附子於桂枝湯中增桂令  
汗出以溫經復陽服後仍厥逆咽乾煩躁陽明內結讖語煩亂則桂附又難過與更作甘草乾薑以俟  
夜半陽回足溫而脛尚微拘急重與芍藥甘草湯爾乃脛伸復以承氣湯微澹止其讖語其間增劇變  
證多端總誤在黃芩一味所以百十三方此獨無預千金又取以治西北土厚氣勝素偏陽旺之人最  
為合轍其陰旦湯中復取乾薑配合黃芩以治本寒標熱之證又從甘草乾薑湯採入至於陽旦方後  
加附子加桂心總在挽回誤治增劇法來其治虛勞裏急用正陽旦詳一正字當是桂枝湯本方中納  
膠飴必無兼用黃芩之理世人但知桂枝湯加黃芩為陽旦湯不知方後增減皆陽旦之妙用也



六物解肌湯 治傷寒發熱身體疼痛方 葛根四兩 茯苓三兩 麻黃二兩 牡蠣各二兩 生薑各二兩 甘草一兩

**行義** 葛根專開陽明肉腠然必兼麻黃用之以陽明之邪必循太陽出路也辛甘發散為湯生薑甘草在所必用牡蠣一味本經雖有傷寒寒熱溫瘧之治然性味鹹終非發散藥中所宜其柴胡龍骨牡蠣湯乃汗後邪犯少陽本藥此必發汗過多熱仍不解恐成漏風用以統攝茯苓內守藏氣外固津液使不隨麻葛外泄乃散中寓固之法斯義不講無人達此奧妙也

解肌湯 治傷寒溫病方 葛根四兩 麻黃三兩 黃芩二兩 芍藥二兩 甘草二兩 大棗十二枚 右六味以水一斗煮取三升飲一升日三服三四日不解脈浮者宜重服發汗脈沉實者宜以駛鼓丸下之延年秘錄

**行義** 黃芩湯四味本治溫病之方千金增入葛根麻黃專為風土剛勁腠理緻密而設設當水土柔弱之方又當除去麻葛而進葱豉方得應機接物之妙觀後治疫氣傷寒三日已前不解方其義自明治疫氣傷寒三日已前不解者方 香豉一升 綿裹葱白一升 童子小便三升 右三味先熬豉葱令相得則投小便煮取二升分再服徐徐服之覆令汗神驗

**行義** 香豉專解虛人疫氣壯熱從少陰發越其邪兼葱白以通陽氣投小便中煮服總取穢惡之氣以辟穢惡之邪故冬溫溫病初發咸取用之但病久流入經絡臟腑有所留著者未有能應取效也治傷寒時氣瘟疫疫疹痛壯熱脈盛始得一二日者方 丹砂一兩末之以水一斗煮取一升頓服之覆取汗

**行義** 本經言丹砂治身體五臟百病以其能攝伏諸邪也但時氣始得一二日間無形之時受病用之乃効若日久有所留著恐無濟於用也

解肌升麻湯 治時氣三四日不解方 升麻 芍藥 石膏 麻黃 甘草各一兩 杏仁三十枚 茵陳三枚

解肌升麻湯 治時氣三四日不解方 升麻 芍藥 石膏 麻黃 甘草各一兩 杏仁三十枚 茵陳三枚

解肌升麻湯 治時氣三四日不解方 升麻 芍藥 石膏 麻黃 甘草各一兩 杏仁三十枚 茵陳三枚

解肌升麻湯 治時氣三四日不解方 升麻 芍藥 石膏 麻黃 甘草各一兩 杏仁三十枚 茵陳三枚



右七味吹咀以水三升者取一升盡服溫覆發汗使愈

**行義** 麻杏甘石湯本治發汗後汗出而喘無大熱者乃越婢湯之變方此治時氣三四日不解亦用此湯如升麻以治疫瘡芍藥以護營血貝齒以鎮邪毒與六物解肌湯中牡蠣同義取其鹹潤走血利水而鎮攝時氣之毒非正傷寒例藥也

葛根龍膽湯 治傷寒三四日不差身體煩疼而熱方 葛根<sup>八兩</sup> 龍膽<sup>各半</sup> 升麻 石膏 葳

蕤<sup>各一</sup> 甘草 桂心 芍藥 黃芩 麻黃<sup>各三</sup> 右十二味吹咀以水一斗者葛根取八升內餘藥

者取三升分四服日三夜一

**行義** 此用麻黃升麻湯中八味兼乾薑白朮茯苓當歸佐麻黃升麻桂枝芍藥治傷寒六七日大下後邪伏至陰厥逆下利不止知母天門冬佐葳蕤黃芩石膏甘草治虛陽上逆咽喉不利唾膿血此兼葛根生薑佐麻黃升麻桂心芍藥治傷寒三四日不瘥龍膽大青佐葳蕤黃芩石膏甘草治發汗後身體煩疼而熱預防斑黃變證也

治傷寒四五日頭痛壯熱四肢煩疼不得飲食方 梔子仁 黃連 黃柏 大黃<sup>各半</sup> 好豉 一升 葱白

七莖 右六味吹咀以水八升煮上四物六七沸內後葱白豉者得三升頓服一升日三服湯訖溫服

令汗出粉之得汗便止後服勿復取汗不得汗者復服重發此藥無忌特宜老小神良

**行義** 方下雖云治傷寒四五日頭痛壯熱而實治溫熱病藥梔子豉湯加葱白專主伏氣發溫頭痛

兼大黃黃連瀉心湯專治四肢煩熱心下痞滿不能飲食加黃柏者專淨邪伏少陰之毒也

七物黃連湯 治夏月傷寒四肢煩疼發熱其人喜煩嘔逆支滿劇如禍祟寒熱相搏故令喜煩方 黃

連 茯苓 黃芩<sup>各半</sup> 芍藥 葛根<sup>各一</sup> 甘草<sup>六銖</sup> 小麥<sup>三合</sup> 右七味吹咀以水七升煮取三升冷

分三服不能一升者可稍稍服之湯勢安乃臥藥主毒氣服湯之後胸中熱及咽喉痛皆差明日復煮

一劑如法服之此湯無毒但除熱下氣安病人小兒服者取三分之一以水四升煮得二升稍稍服之



**行義** 葛根黃芩黃連湯本治太陽證誤下脈促胸滿喘汗引邪入犯陽明經證并治陽脈浮滑陰脈濡弱更遇於風變為風溫之病最為合宜此治夏月伏氣發溫熱劇昏亂之證故加茯苓以守藏氣芍藥以護營血小麥以通肝氣麥為肝家之穀也

**三七湯** 治傷寒中風得之二日至七八日不解胸脇痛四肢逆乾嘔水漿不下腹中宿食不消重下血一日數十行方 茯苓<sup>如雞</sup> 人參<sup>略三</sup> 栝蒌根<sup>四兩</sup> 芒硝 乾地黃<sup>略一</sup> 大黃 麻黃 寒水石<sup>各半</sup> 右九味搗篩令相得以散三方寸七水一升煮令三沸絞去滓服之日三溫覆汗出即愈病劇與六七

**行義** 此治風寒雜合傷外飲食壅滯傷內七八日胸脇痛四肢逆乃中氣內結不能傍達四末之候乾嘔水漿不下宿食不消種種皆裏實蘊熱而迫血妄行不可以其四肢逆乾嘔疑似夾陰而致扼腕也方中麻黃大黃地黃分治外內實結血熱妄行茯苓人參栝蒌根助胃通津以行三藥之勢黃芩佐麻黃分解表熱芒硝佐大黃疎滯裏實寒水石佐地黃滋降血滯取其鹹潤走血也

**五香麻黃湯** 治傷寒忽發腫或著四肢或在胸背虛腫浮如吹狀亦著頭面脣口頸項劇者偏著脚脛外如軸大而不痛不赤者四肢者乃欲不遂悉主之方 麝香<sup>半兩</sup> 薑陸香 雞舌香<sup>略一</sup> 沉香 青木香 麻黃 防風 獨活 秦艸 葳蕤 甘草<sup>各三兩</sup> 白薇 枳實<sup>各二兩</sup> 右十三味以水九升煮取三升分三服覆取汗後外摩防己膏

**行義** 至真要大論云諸氣膈鬱皆屬於肺故用麻黃外開肺氣佐以防風獨活秦艸風藥風能勝濕也諸濕腫滿皆屬於脾故用枳實內泄脾氣佐以葳蕤白薇甘草氣壅氣能泄滿也經脈壅滯非香藥不能開通五香諸藥專通經絡諸竅也服後覆汗以開鬼門平治權衡之道不外乎此若偏著脚脛腫大不赤不痛更摩防己膏取其辛寒開通濕熱之氣庶免不遂之虞

治傷寒三日外與前藥不度脈勢仍數者陽氣猶在經絡未入臟腑方 桂枝 黃芩 甘草<sup>略一</sup> 升麻







殊不可解洗心求之方知此方既有烏附之辛烈則細辛正可無用雖硃砂之重著諒不能阻礙烏附破陰之力所以並行而不相悖也 前方服六物青散得汗不解用神丹丸方中烏附雖同安得如此方相反互激之力歟

麥奴丸 治傷寒五六日以上不解執在胸中口噤不能言惟欲飲水為壞傷寒醫所不能治為成死人精魂已竭心下纔溫以杖發其口開灌藥咽中藥得下即愈麥奴丸一曰墨奴丸二曰水解丸 釜底墨 竈突墨 梁上塵 麥奴 黃芩 大黃 芒硝略 麻黃 二兩 右八味末之蜜丸如彈子大以新汲水五合研一丸破清置水中當藥消盡服之病者渴欲水極意不問升數欲止復強飲能多飲為善不欲飲水當強飲服藥須臾當寒寒竟汗出便解若服藥日移五尺許不汗復服如前法不過再三服佳小麥黑勃名麥奴

**行義** 麥奴丸方下雖治傷寒而實時氣的方方中釜底墨竈突墨梁上塵皆取溫散火毒麥奴乃濕熱間氣所鍾取治溫毒為同氣之嚮導麻黃黃芩以散在表之熱大黃芒硝以泄在裏之毒也若渴欲飲水極意與之飲後惡寒汗出便解故又名水解丸

宜吐第七 例一首 方二首

例曰大法春宜吐凡服吐藥中病便止不必盡劑也 病如桂枝證頭不痛項不強而脈寸口浮胸中鞭滿氣上衝喉咽不得息者此以內有久痰宜吐之 病胸上諸寒胸中鬱鬱而痛不能食欲得使人按之反有涎出不利日十餘行而其入脈遲寸脈微滑者此宜吐之吐之利即止 少陰病飲食入口即吐心中溫溫然欲吐復不能吐者宜吐之宿食在上腕宜吐之 病手足逆冷脈乍結者客氣在胸中心下滿而煩飢不能食者以病在胸中宜吐之

瓜蒂散 病如桂枝證頭不痛項不強寸脈微浮胸中痞堅氣上冲咽喉不得息者此為胸有寒也宜吐之方 瓜蒂 赤小豆略 右二味治下篩取一錢七香豉一合煎湯七合煮作稀粥去滓取汁和



散溫頓服之不吐者少少加得快吐乃止湯三合和服

**行義** 瓜蒂散治病如桂枝證言時如畏寒而無頭痛項強表證但心下痞堅乃胸中寒寒者濁濕鍾聚陽和不能敷布或時兀兀欲吐也故與瓜蒂之苦寒以吐胸中寒實兼赤小豆之甘酸以清利心包餘熱所謂酸苦涌泄為陰也

水道散 治時氣病煩熱如火狂言妄語欲走方 甘遂半兩 白芷二兩 大黃四兩 厚朴八兩 枳實五枚

芒硝三合 右六味以水一斗先煮厚朴枳實取五升去滓內大黃煎取二升去滓下芒硝更煎

一兩沸分再服得快利止

**行義** 大陷胸大承氣二方合用兼攻胸腹之結加白芷以解風熱內蘊之血閉也

宜下第八方八首

大承氣湯 治正陽陽明病潮熱不大便六七日短氣腹滿而喘手足濇然汗出方 大黃四兩 厚朴半

斤 枳實五枚 芒硝三合 右四味以水一斗先煮二物取五升去滓內大黃煮取二升去滓內芒

硝更土微火一二沸分溫再服得下餘勿服

**行義** 承氣者熱邪內結陽明之府用以下泄逆上之氣氣有餘便是火亢則害承乃制也夫火非苦

寒不降故用大黃氣非辛溫不散故用厚朴滿非辛苦不泄故用枳實熱非鹹寒不除故用芒硝然泄

滿湯熱正當峻用苦寒而反倍用厚朴入於苦寒劑中乃得逆從相需之妙若太陽陽明雖太陽未遠

所以調胃承氣不用枳實厚朴而兼甘草緩行祛熱之力少陽陽明則去正陽而逼太陰其邪已非大

實所以除去芒硝僅用厚朴二兩以為從治之使味耳

抵當丸 下血方 水蛭五枚 蟅蟲十枚 桃仁二十枚 大黃三兩 右四味為末蜜和合分為四丸以水一升

煮一丸取七合頓服之暍時當下血不下更服

抵當湯 治同前 水蛭十枚 蟅蟲十枚 桃仁二十枚 大黃三兩 右四味以水五升煮取三升去滓服



一升不下更服

**行義** 抵當湯九南陽本治下焦結血故取蟲蟲水蛭噉血之品以破瘀積兼桃仁大黃開泄下行之路也

**承氣湯方** 枳實五枚 芒硝半斤 大黃四兩 甘草二兩 右四味以水五升煮取二升去滓適寒溫

分三服如人行五里進一服取下利為度若不得利盡服之

**行義** 變大承氣為調胃承氣專取甘草通調之力以緩硝黃之急也更加枳實於調胃承氣方中校

大承氣中厚朴雖辛溫辛苦不同而泄滿之功則一

**生地黃湯** 治傷寒有熱虛羸少氣心下滿胃中有宿食大便不利方 生地黃三斤 大黃四兩 甘草二

芒硝二合 太棗枚十 右五味合搗令相得蒸五升米下熟絞取汁分再服

**行義** 又於調胃承氣方中加生地黃以滋血兼取大棗以行脾氣而散心腹之邪也

**大柴胡歲疑知母湯** 治傷寒七八日不解默默心煩腹中有乾屎讖語方 柴胡半斤 歲疑 知母

大黃 甘草各二兩 人參 黃芩 芍藥各三兩 生薑五兩 半夏半升 右十味以水一斗煮取三升

去滓服一升日三即下為效集驗用枳實四枚不用芍藥

**行義** 少陽為樞乃陰陽之交界表裏駁駁內犯舍小柴胡別無主治小柴胡中非藉人參壯其胃氣

不能把守其樞若心下急鬱鬱微煩則邪已內入雖用人參徒資助虛故於柴胡中除去人參甘草加

枳實以道滯大黃以泄滿芍藥以收陰共振蕩滌之威此兼大小柴胡於中但去大棗更加歲疑知母

二味不但滋化風熱并佐枳實大黃下行之力也 按此雖名大柴胡仍不去人參甘草以病人津氣

本燥故加歲疑知母則人參甘草又為必需近見時師用小柴胡未有一人不去人參者何怪病邪傳

陰入府變證多端也 治傷寒頭痛壯熱百節疼痛方 柴胡 梔子仁 芍藥 知母各四兩 升麻 黃芩 大青 杏仁各三



石膏八兩香豉一升右十味以水九升煮取二升七合分溫三服若熱盛加大黃四兩

**衍義** 此方所治之證雖傳少陽而頭痛壯熱未除知尚未離陽明之界故用柴胡升麻兼治二經之邪香豉山梔專解膈上之煩黃芩杏仁以泄逆上之滿石膏知母化胃中之火大青芍藥以清營血之熱若熱甚加大黃仍借大柴胡變通之法

**駃豉丸** 治傷寒留飲宿食不消方 豉一升杏仁六十黃芩 黃連 大黃 麻黃各四 芒硝 甘遂

各三 巴豆去油二 右九味為末以蜜和丸如大豆服二丸不得下者增之崔氏云此黃素方

**衍義** 千金本黃素方以治傷寒留飲宿食大施轉日回天神手伊尹三黃古稱湯液之祖從此採出以蕩滌中外熱毒香豉麻杏開金止沸巴豆硝黃撥火散焚非黃素不能設立非千金不能體用 服度瘴發汗青散得汗不解內實不除之故故宜服此內外兼攻并納鼻孔專藉巴豆香豉發諸藥之性也

發汗吐下後第九脈證七首 灸法一首 方十七首

傷寒已解半日許復心煩熱其脈浮數者可更發汗宜桂枝湯凡發汗後飲水者必喘宜慎也

**竹葉湯** 治發汗後表裏虛煩不可攻者但當與此方 竹葉一把半夏半斤 麥冬一升人參 甘芫各

兩生薑四兩石膏一升 右七味以水一斗煮取六升去滓內粳米半升米熟去之分服一升日

三張文仲不 用生薑

**衍義** 此即竹葉石膏湯方中一派化熱生津除煩止渴之藥但以半夏一味滌除痰飲則肺胃清靈千金加入生薑以助半夏開豁之力世言半夏辛燥煩渴非其所宜因小青龍湯後有服湯已渴者寒去欲解之語不知痰去則氣通火升覺渴不過暫時少頃津回氣潤煩渴自除先哲復有服二陳湯能使大便潤而小便長痰去則津液流通之明驗也

桂枝麻黃湯 服桂枝湯大汗後脈洪大者與桂枝湯若形如瘧一日再發汗出便解者屬桂枝二麻黃



一湯方 桂枝七枚 麻黃六枚 芍藥 生薑各一兩 甘草一兩 杏仁十六枚 大棗五枚 右七味咬咀以水五升者麻黃再沸去沫內諸藥煮取二升適寒溫分再服取微汗而已

**行義** 桂枝麻黃二湯分治風寒營衛之證此以汗下不解面赤身癢知為汗出不徹當有小汗伏於經中故宜桂枝麻黃各半分解兩經聯貫之邪方為合法 若服桂枝湯邪當解矣服後大汗出脈反

洪大此必營衛俱傷但以風多寒少有似乎桂枝證故但治風而不及寒遺其邪於經中且汗出經虛不能禦邪之向裏裏不服邪所以形如瘧日再發邪雖勢衰終為微寒所持故與桂枝二麻黃一湯略

兼治寒得小汗出則愈矣 若發熱惡寒執多寒少脈微弱者此無陽也不可誤發其汗蓋執多則陰受傷之明驗無陽乃無津液之通稱津為陽血為陰不可以無陽謬誤陽虛反用石膏致誤

小青龍湯 治傷寒表未解心下水氣乾嘔發熱而咳或渴或利或噎或小便不利小腹滿或喘者方 桂心 麻黃 甘草 乾薑 芍藥 細辛各三 五味子 半夏各半 右八味咬咀以水一斗煮麻

黃減二升去上沫內諸藥煮取三升分三服相去十里許復服之若渴者去半夏加栝蒌根三兩若微利去麻黃加芫花如一雞子大熬令赤色若噎加附子一枚若小便不利小腹滿者去麻黃加茯苓四

兩若喘去麻黃加杏仁半升數用神效

**行義** 見前太青龍湯下

四物甘草湯 治傷寒發汗出而喘無大熱與此方 甘草二兩 麻黃四兩 石膏半斤 杏仁五十枚 右四味咬咀以水七升先煮麻黃去沫令減二升內諸藥煎取三升分三服

**行義** 傷寒論原名麻黃杏仁甘草石膏湯金匱名麻杏石湯本治太陽寒傷營證因誤用桂枝固衛而見喘滿既經汗下邪從藥泄故無大熱仍取麻黃開發於外杏仁疎泄於上石膏清解於內甘草調和臟腑寒熱之邪名曰四物甘草湯專賴平調中氣之義

梔子湯 治發汗若下後煩熱胸中窒氣逆搶心者方 梔子十四 香豉四合 右二味以水四升先煮



施子服二升半次內政者取一升半分二服溫進一服得快吐止後服

**行義** 此即施子鼓湯本治發汗吐下後虛煩懊懣施子專散胸中客熱香鼓專主太陽經中不正之氣

**厚朴湯** 治發汗後腹脹滿方 厚朴半兩 人參一兩 甘草二兩 生薑八兩 半夏半升 右五味以

水一斗煮取三升分三服

**行義** 傷寒論原名厚朴生薑甘草半夏人參湯本桂枝證誤用麻黃發汗濁陰之邪乘虛入裏而致

喘滿與瀉心湯證似同而實小異濁氣填滿故首取厚朴以泄氣滯薑半以破痰結參草以助清陽清

陽運動而濁陰自除本非結胸之寒熱互結故無藉於乾薑棗連大棗也

**元武湯** 治太陽病發汗出不解其人仍發熱心下悸頭眩身動振振欲擗地方 茯苓 芍藥

生薑各三兩 白木二兩 附子一枚 右五味以水八升者取二升溫服七合

**行義** 真武湯治太陽證過汗經虛致邪內陷迫其虛陽外擾而為發熱上逆而為頭眩內薄而為心

悸經虛而為顛動身不自主振振欲擗地而入若無容之狀也急需木附以安水土二臟庶得統攝周

身之經脈而顛振回安茯苓降泄胸脇逆氣而心悸可止芍藥收斂虛陽而頭眩自除生薑發越陽氣

招徠虛熱歸輔木附無復外擾之患矣以證變之驟所以甘草大棗甘緩之味無預於治也

**葛根黃連湯** 治太陽病反下之利遂不止脈促者表未解喘而汗出者方 葛根半斤 黃連三

兩 甘草二兩 右四味以水八升先煮葛根減二升次內諸藥煮取二升去滓分再服

**行義** 傷寒論原名葛根黃芩黃連湯本治誤下利不止脈促喘汗之證以葛根解表芩連清內甘草

和中兼和藥性之寒熱并治溫病熱病之太陽陽明合病若合符節

**茯苓湯** 治傷寒發汗吐下後心下逆滿氣上衝胸起即頭眩其脈沉緊發汗則動經身為振振搖者方

茯苓四兩 白木一兩 桂心各三兩 甘草二兩 右四味以水六升者取三升去滓分三服

并金要方 卷九



**行義** 傷寒金匱原名茯苓桂枝白朮甘草湯本治太陽風傷衛證緣施汗下邪欲犯裏裏不服邪所以氣上衝胸邪竊內據運動其飲所以起即頭眩水精不上注於目所以目眩故以桂枝加入制飲藥內通陽氣開經絡白朮治痰水除脹滿然中滿不食反用甘草何也蓋桂之辛散得甘草和其寒熱使不僭上甘草得茯苓則不支滿而反漂利且能下氣除滿也 全瓊用此以治心下痰飲胸脇支滿目眩專取桂苓通利小便朮甘培護中氣以振運痰利水之力耳

凡寸口脈浮關上自沉為結胸葉源作沉細

凡傷寒病發於陽而反下之熱入因作結胸

**大陷胸丸** 治結胸病項亦強如柔痙狀下之即和方 大黃八兩 芒硝 杏仁熬 葶藶各五兩 右四味搗篩大黃葶藶餘二味別研如脂和散取如彈丸大一枚甘遂末一錢七白蜜二合水一升煮取八合溫頓服之病乃自下如不下更服取下為效

傷寒六七日結胸熱實其脈沉緊心下痛按之正堅宜大陷胸湯

太陽病重發汗而復下之不大便五六日舌上乾而渴日晡小有潮熱心胸大煩從心下至小腹堅滿而痛不可近其方如下

**大陷胸湯** 甘遂錢七 大黃兩六 芒硝一升 右三味以水六升先煮大黃取三升去滓次內芒硝一沸

次內甘遂分再服一服得快利止後服

**行義** 結胸而至項強證已篤矣蓋胸中邪結緊實項數當有似柔痙之狀然痙則身首俱張此但項強原非痙也但此以驗胸中之邪十分緊迫以大陷胸湯下之恐過而不留即以大陷胸丸下之又恐滯而不行故者而連滓服之始得與邪相當方中大黃芒硝甘遂可謂峻矣更加葶藶杏仁以射肺邪而上行其急又須熬黑以滌其垢者時倍加白蜜以留戀潤導之而下行其緩深得長沙之奧千金一人而已 其大陷胸湯治太陽病重發汗而復下之不大便而燥日晡潮熱心下硬滿者證更勝明

由胸膈以心下痞滿一證而論其大陷胸湯治太陽病重發汗而復下之不大便而燥日晡潮熱心下硬滿者證更勝明



頗同但小有潮熱不似陽明之壯熱從心下至小腹堅不可近則陽明又不似此大痛因是以辨為太陽結胸而兼陽明內實也緣屢經誤治重傷津液不大便而燥渴潮熱更加痰飲內結必須用陷胸湯由胸脇以及腸胃一舉而蕩滌無餘若但下腸胃結熱反遺膈上痰飲則非法矣設心下結而不鞭按之則痛脈微滑者乃痰飲挾熱內結為小結胸證則宜黃連半夏枳實三物小陷胸湯原無實邪固結不須峻攻也至若結胸證脈浮大者為邪尚在表不可下下之死結胸證悉具煩躁者為胃氣之絕亦死結胸危證死生反掌千金僅舉長沙二方不輕增損一味心心相印於此足徵

生薑瀉心湯

治傷寒發汗後胃中不和心下痞堅乾噎食臭脇下有水氣腹中雷鳴下痢者方 生薑 四兩 甘草 人參 黃芩 各二兩 乾薑 黃連 各一兩 半夏 半升 大棗 枚十二 右八味以水一斗煮取六升去滓分服一升日三

甘草瀉心湯

治傷寒中風醫反下之其人下痢日數十行穀不化腹中雷鳴心下痞堅結滿乾嘔心煩不能得安師見心下痞謂病不盡復下之其痞益甚此非結熱但以胃中虛客氣上逆使之然也宜治之方 甘草 四兩 黃芩 乾薑 各二兩 黃連 一兩 半夏 半升 大棗 枚十二 右六味以水一斗煮取六升去滓分服一升日三

行義

汗後外邪雖解然必胃氣安和始得脫然無恙胃主津液津液因邪入而內結因發汗而外亡兩相去遺其人心下痞鞭以伏飲搏聚胃氣不足以開之胃病故乾噎食臭水入而傍滲脇下也胃中水穀不行腹中雷鳴有聲下利而清濁不分也雖不誤下而且成痞設誤下之其痞結又當何如耶後條傷寒中風互言可見病發於陰下之成痞者非指傷寒為陰也下後完穀腹鳴嘔煩皆誤下而胃中空虛之互辭不知此以為執結而復下之其痞必益甚故重以胃中空虛客氣上逆照揭病因方用甘草瀉心湯即前生薑瀉心湯除去生薑人參而倍甘草乾薑也客邪乘虛結於心下本當用人參以誤而再誤其痞已極人參和柔無剛決之力故去而不用生薑辛溫最宜用者然以氣薄辛散恐領津



液上升客邪從之犯上故倍用乾薑代之以開痞而用甘草為君坐鎮中州痞心下腹中漸致惡寒耳  
 令人但知生薑代乾薑孰知以乾薑代生薑之散哉但知甘草能增滿孰知甘草能去滿哉 其傷寒  
 五六日嘔而發熱下之心下但滿而不痛者宜半夏瀉心湯即生薑瀉心湯除去生薑之走表藉半夏  
 以溫膽以證起於嘔故推生夏為君主即心實熱下利水穀不消腹中雷鳴心下痞滿乾嘔不安亦不  
 出此 痞證脈緊即不可下誤下而邪反入裏寒邪轉入轉深外邪與飲搏結故心下滿鞅濁氣蘊熱  
 上逆惟大黃黃連瀉心湯苦寒瀉之 若惡寒汁出雖有濕熱痞聚於心下而挾陰虛陰盛之證故於  
 大黃黃連瀉心湯內另煎附子汁和服以各行其力共成傾痞之功即一瀉心湯方中法度森森若此  
 千金於結胸痞證各舉二方為例餘俟學人之自悟可也 并治溫毒變為狐惑蟲食於上聲喝及下  
 痢不止腹中愞堅嘔噦腸鳴此方並可主治總皆火毒之患耳

白虎湯 治傷寒吐下後七八日不解結熱在裏表裏俱熱時時惡風大渴舌上乾燥而煩欲飲水數升  
 者方 石膏 一升 知母 六兩 甘草 二兩 粳米 六合 右四味咬咀以水一斗煮米熟去滓分服一升日  
 三諸血及虛家不可與白虎湯若立夏後至立秋前得用之立秋後不可服春三月尚凜冷亦不可  
 與之與之則嘔利腹痛

傷寒無大熱而口乾渴心煩背微惡寒宜服白虎湯 傷寒脈浮發熱無汗其表不解不可與白虎湯  
 渴欲飲水無表證宜白虎湯 若渴欲飲水口燥舌乾者亦宜白虎湯

何義 傷寒論此條主以白虎加人參湯詳本文結在裏表裏俱熱二句已自酌量惟熱在裏所以  
 表熱不除邪火內伏所以惡風大渴舌燥而煩欲飲水不止安得不以白虎湯化熱為務即於方中加  
 人參生津為急耶千金虛熱毒勢盛恐加入參助長邪氣未便輕用所以方後垂戒諸血虛家及立  
 秋後春三月皆不可與與之則嘔利腹痛惟夏至後立秋前得用之按白虎金神夏者遇之而退為熱  
 病暑病之方何長沙白虎例首謂之傷寒當知古聖藏機妙用全在乎此欲人探求而自得也



病乃冬不藏精陽氣發泄復傷陽寒致邪氣伏藏骨髓至夏天汗出而熱始發故仍以傷寒目之邪從骨髓發出由心包而薄陽明處方乃以石膏救陽明之熱知母淨少陰之源甘草化心包之火粳米護脾胃之津氣弱者必加人參則本方始得力後人不審每以白虎湯治冬月傷寒發熱未有僥倖得免者今特昭揭此義以為冬月擅用白虎之戒觀溫瘧用桂枝白虎湯溫用蒼木白虎皆春夏應用之方非秋冬藥也 又傷寒無大熱而口渴燥渴心煩背微惡寒者宜白虎湯此言熱毒內盛而煩表不勝邪而寒也 傷寒脈浮發熱無汗其表不解不可與白虎湯欲飲水無表證宜白虎湯此辨暴感之邪而非伏氣之發故不可與若渴欲飲水但顯伏熱外無表證方為合宜若渴欲飲水口乾舌燥者亦宜白虎湯此雖長沙本例千金入此即是上條渴欲飲水無表證之註脚也上三條傷寒論本文並用白虎加人參湯義見前方條下 其有傷寒脈浮滑此表有寒裏有熱白虎湯主之一條詳脈浮滑明係伏邪初乘肌表之應以表虛不能勝邪其外反顯假寒故言表有寒伏邪始發未盡裏熱猶盛故言裏有熱與傷寒脈滑而厥裏有熱一條參看自明因世本誤刊表有熱裏有寒千金不解其故故不錄入 復有三陽合病腹滿身重難以轉側口不仁而面垢譫語遺尿發汗則譫語下之額上汗出手足逆冷若自汗出者白虎湯主之一條是言熱病而兼中暍乘勢一齊發出之證而非傷寒三陽合病故亦不錄 更有服桂枝湯大汗出後大煩渴不解脈洪大者白虎加人參湯一條此熱病誤認太陽中風而與桂枝湯乃挽回誤治之法非本病方故亦不錄

青柏子丸

治傷寒後結熱在內煩渴者方

青柏子

五兩

黃芩

括萁根

苦參

一兩

黃柏

二兩

龍膽

梔子仁

黃連

各三兩

右八味

為末

蜜丸

如梧子大

先食服

七丸

不知

稍加

和蘇

九錫

行義

青柏子專走厥陰肝經本經治唇口青是熱伏至陰而見假象非陰寒藥也豈龍膽本經治骨間寒熱大瀉肝經濕熱苦參本經治心腹結氣與黃柏同為瀉腎之品兼苦連梔子一派苦寒暗伏黃連解毒於中更加括萁根通津液除煩渴相率以迅掃留泊之餘邪咸非馴良之品病人稍涉虛者難



以概施

大青湯 治傷寒熱病十日已上發汗不解及吐下後諸熱不除及下痢不止斑出皆治之方 大青四

兩甘草 阿膠各二升 豆豉一升 右四味咬咀以水八升煮取三升去滓煮三沸去豉內阿膠令烊頭

服一升日三服欲盡復作常使有餘渴者當飲但除熱止吐下無服 石脂三兩胡洽集驗同

**衍義** 大青乃藍之一種善解陷伏至陰之邪豆豉專搜少陰不正之氣阿膠滋血潤燥甘草解毒和

中不特為陽毒發斑之專藥一切時行溫熱汗吐不解下利不止並得用之取其解散陰經熱毒也 右六

治傷寒後不了了朝夕有潮熱如瘧狀方 知母二兩麻黃甘草芍藥黃芩桂心各一

味咬咀以水七升煮取二升半服五合日三溫覆令微汗若心煩不得眠其入欲飲水當稍稍飲之令

胃中和則愈

**衍義** 此於金匱桂枝芍藥知母湯中除去木附防風生薑四味易入黃芩一味彼用木附以開下著之

痺麻知以散上盛之熱此用麻知以解宿蘊之邪桂芍以和將復之血散邪杜火全在麻知二味之力

灸法

初得病或先頭痛身寒熱或瀉瀉欲守火或腰背強直面目如飲酒狀此傷寒初得一二日但烈火灸心

下三處第一處去心下一寸名巨關第二處去心下二寸名上腕第三處去心下三寸名胃腕各灸五十

壯然或人形大小不同恐寸數有異可繩隨度其長短寸數最佳取繩從心頭骨名鳩尾頭度取臍孔中

屈繩取半當繩頭名胃腕又中屈半繩更分為二分從胃腕向上度一分即是上腕又上度取一分即是

巨關大人可灸五十壯小兒可三壯亦隨其年灸之大小以意斟酌也若病者三四日以上宜先灸胸上

二十壯以繩度鼻正上盡髮際中屈繩斷去半便從髮際入髮中灸繩頭名曰天聰又灸兩顙額又灸兩

風池又灸肝膈百壯餘處各二十壯又灸大衝三十壯神驗

除直入備急千金要方卷九終



傷寒方下 凡七類

傷寒雜治第十 論一首 方五十一首

論曰凡除熱解毒無過苦酸等物故多用苦參青箱艾梔子葶藶苦酒烏梅之屬是其要也夫熱感非苦酸之物不解也熱在身中既不時治治之又不苦酸等藥此如救火不以水也必不可得脫免也又曰今諸療多用辛甘薑桂人參之屬此皆貴價難得常有比行求之轉以失時而苦參葶藶青箱艾之屬所在盡有除熱解毒最良勝於向之貴價藥也前後數參並用之得病內熱者不必按藥次也便以青箱苦參艾苦酒療之但稍與促其間無不解也○扁鵲曰病在腠理湯熨之所及病在血脈鍼石之所及病在骨髓無可奈何而凡醫治病或言且待使病成乃頓去之此為妄矣當預約束家中及所部曲具語解此意使有病者知之為要

治溫氣病欲死方 苦參一兩以酒二升煮取一升盡飲之當吐則除諸毒病服之覆取汗皆愈 張文仲及肘後

云治熱毒垂死 破棺千金湯

苦參湯 治熱病五六日已上方 苦參 三兩 黃芩 二兩 生地黃 八兩 右三味咬咀以水八升煎取二

升適寒溫服一升日再

**衍義** 傷寒溫病截然兩途凡醫但見壯熱頭疼概行發散信手殺人曷知溫病是久伏少陰之邪得

春時溫暖之氣蘊化濕熱從內發外故用苦參搜逐腎家久伏之邪取其苦燥濕寒除熱借酒引之上

涌吐中便具發散之義 若五六日後熱交營分徹外壯熱即加生地以清血脈之邪黃芩以泄肌膚

之熱較之初發淺深不同又非一味苦參可治也

凝雪湯 治時行毒病七八日熱積聚胸中煩亂欲死起死人揭湯方 芫花一升以水三升煮取一升







亦取破血利水之功 穉穉反汁專於滌垢亦能散血 酒煮苦參服之專祛溫毒漬之亦能解熱 猪膏和羊屎塗熱腫痛處即前馬羊屎沫漬之變法 蒼耳治四肢拘攣脚膝疼痛以其能去風濕毒 邪也

漏蘆連翹湯 治時行熱毒變作赤色癰疽丹疹熱毒赤腫及眼赤痛生障翳方 漏蘆 連翹 黃芩

麻黃 白薇 升麻 甘草 枳實 大黃 右九味以水九升煮取三升分三服相

去如人行五里久更服熱盛者可加芒硝二兩

行義 時行熱毒雖煖發於外而毒尚根於內故用麻黃升麻開泄既發之毒枳實大黃攻逐未盡之

邪麻黃升麻得漏蘆連翹黃芩利竅解毒清熱之品則無助虐燬腫之虞枳實大黃得白薇甘草攝津

禦毒之味則有匡正辟邪之勳其配合之奧未許拘執藥性者之妄行推測也

猪膽湯 治傷寒五六日斑出方 猪膽 苦酒 雞子 右三味合煎三沸強者盡服之羸者

須煎六七沸分為二服汗出即愈

行義 發斑而用猪膽苦酒雞子必陽毒陷於陰分而見咽痛之故若邪在陽分正當助其發必無

酸收之理方中猪膽瀉肝火苦酒收陰氣雞子潤咽痛服之使嘔鼓毒發於陽分汗出則愈乃長沙少

陰例中苦酒湯之變法以補長沙之未逮

治人及六畜時氣熱病豌豆瘡方 濃煮黍穰汁洗之一莖是穰穰即不瘡瘡若黑者搗蒜封之 又方

煮豆薑洗之

治熱病後發豌豆瘡方 黃連三兩以水二升煮取八合頓服之 又方 真波斯青黛大如棗水服之

瘡 又方 青木香二兩以水三升煮取一升頓服之愈 又方 小豆末雞子白和傅之

滓分溫再服其脈即出者愈面赤者加葱白九莖腹痛者去葱加芍藥二兩嘔者加生薑二兩咽痛者



去芍藥加桔梗一兩利止脈不出者去桔梗加人參二兩病皆與方相應者乃加減服之

少陰病四逆其人或放或悸或小便不利或腹中痛或洩利下重四逆散主之方 甘草炙 枳實炙

柴胡 芍藥各十分

右四味搗為散白飯和服方寸匕日三服放者加五味子乾薑各五分兼主利悸

者加桂五分小便不利者加茯苓五分腹中痛者加附子一枚炮洩利下重者先以水五升煮蓮白三

升取三升去滓以散三方寸匕內湯中煮取一升半分溫再服

少陰病不利六七日放而嘔渴心煩不得眠猪苓湯主之方見陽 少陰病得之二三日口燥咽乾急下

之宜承氣湯 少陰病利清水色青者心下必痛口乾燥者可下之宜承氣湯柴胡一云大 少陰病六七日

腹滿不大便者急下之宜承氣湯方見承 少陰病其脈沉者當溫之宜四逆湯 少陰病其人飲食入

則吐心中溫欲吐復不能吐始得之手足寒脈弦遲此胸中實不可下也當遂吐之若膈上有寒飲乾

嘔者不可吐當溫之宜四逆湯方見陽 少陰病下利脈微澀者即嘔汗者必數更衣反少當溫其上灸

之陰一云灸厥

厥陰病狀第三五十六證

厥陰之為病消渴氣上衝心中疼熱飢而不欲食甚者則欲吐蛇下之不肯止 厥陰中風其脈微浮為

欲愈不浮為未愈 厥陰病欲解時從丑盡卯 厥陰病渴欲飲水者與水飲之即愈 諸四逆厥者不

可下之虛家亦然 傷寒先厥後發熱而利者必止見厥復利 傷寒始發熱六日厥反九日而下利厥

利當不能食今反能食恐為除中食之黍餅不發熱者知胃氣尚在必愈恐暴熱來出而復去也後三日

脈之數其熱續在期之日日夜半愈所以然者本發熱六日厥反九日復發熱三日并前六日亦為九日

與厥相應故期之日日夜半愈後三日脈之數其熱不罷此為熱氣有餘必發癰膿 傷寒脈遲六七日

而反與黃芩湯微其熱脈遲為寒與黃芩湯復除其熱腹中冷當不能食今反能食此為除中必死 傷

寒先厥發熱下利必自止而反汗出咽中強痛其脈為痺發熱無汗而利必自止便膿血便膿血者其脈

微者自愈厥不過五日以熱五日故知自愈 傷寒脈微而厥至七八日膚冷其人雖無安



不痺 傷寒一二日至四五日厥者必發熱前厥者後必熱厥深熱亦深厥微熱亦微厥應下之而發其汗者口傷爛赤 凡厥者陰陽氣不相順接便為厥厥者手足逆者是 傷寒病厥五日熱亦五日設六日當復厥不厥者自愈厥不過五日以熱五日故知自愈 傷寒脈微而厥至七八日膚冷其人躁無安時此為藏寒虵上入其膈虵厥者其人當吐虵令病者靜而復時煩此為藏寒虵上入其膈故煩須臾復止得食而嘔又煩者虵聞食臭必出其人常自吐虵虵厥者烏梅丸主之方久病 烏梅三百枚 細辛六兩

乾薑十兩 黃連十兩 當歸四兩 蜀椒汗四兩 附子炮六兩 桂枝六兩 人參六兩 黃柏六兩 右十味異搗右 合治之以苦酒漬烏梅一宿去核蒸之五斗米下搗成泥和諸藥令相得白中與蜜杵千下丸如梧桐子大先食飲服十丸日三服少少加至二十丸禁生冷滑物臭食等

傷寒熱少微厥稍頭寒嘿嘿不欲食煩燥數日小便利色白者熱除也得食其病為愈若厥而嘔脇胸煩滿甚

**衍義** 石膏化熱得蜜之甘以緩之

治傷寒熱病後口乾喜唾咽痛方 大棗二十枚 烏梅十枚 右二味合搗蜜和含如杏核大咽其汁甚驗

**衍義** 大棗甘緩得梅之酸以收之

赤石脂禹餘糧湯 傷寒服湯藥而下利不止心下痞堅服瀉心湯竟復以他藥下之利不止醫以理中與之利益甚理中治中焦此利在下焦治之方 禹餘糧 赤石脂各一斤 右二味以水六升煮取二升分三服復利不止當利其小便

**衍義** 傷寒誤下利不止心下痞堅與理中利益甚此下焦虛脫故用赤石脂禹餘糧固鎮其下則中土自寧心下之痞自開較之桃花湯其力倍專瀉因瀉用之妙無逾於此 此方傷寒論列之甘草瀉心湯下瀉心湯專為胃中空虛客氣上逆心下痞鞭而設若果胃中空虛與理中湯痞當開矣服之利反益甚知利不在中焦而在下焦下焦乃腎氣所司腎虛不能固蟄封藏非甘溫不能固脫故長沙但

千金要方 卷十 三



取二味直達下焦以取專功倘服之利復不止又當五苓利其水道以溲水寬脾為務也 或心下痞  
鞭滿引脇下痛乾嘔短氣汗出不惡寒此飲在脇下而痞又屬于棗湯證則與此湯無涉也

治傷寒後下利膿血方 阿膠一兩黃柏二兩黃連四兩梔子十四右四味咬咀以水六升煮取二升

去滓內阿膠更煎令消分為三服甲乙方無黃

**衍義** 少陰病得之二三日以上心煩不得臥用黃連阿膠湯此治傷寒後下利膿血故於黃連阿膠

湯中除去芍藥雞子黃用黃柏佐黃連以堅腸胃梔子佐阿膠以清氣血不使隨火下奔殊非舊有微

溘腎氣本虛之謂

治赤白下膿小兒得之三日皆死此有蠱蟲在下部方 麝香 礬石 巴豆 附子 真珠 雄黃等

分 石六味等分治合取桑條如箭筈長三寸以綿纏頭二寸唾濡綿展取藥著綿上內穀道中半日

復易之日再神效

**衍義** 蠱本濕熱所化治用雄黃化蠱為主兼礬石收濕巴豆殺蟲麝香辟惡真珠解毒用附子者不

但取其破除結積并取其烈以化下濕生蠱譬如果日當空陰類皆滅迹矣

麻黃升麻湯 治傷寒六七日其人大大下後脈沉遲手足厥逆下部脈不至咽喉不利唾膿血泄利不止

為難治者方 麻黃 知母 姜豉亦作黃芩 升麻 芍藥 當歸 乾薑 石膏 茯苓 白

朮 桂心 甘草 麥冬論作天門冬 右十四味咬咀以水一斗先煮麻黃減二升去上沫內諸藥

煮取三升分服一升微取汗愈

**衍義** 傷寒六經例中惟厥陰見證最為龐雜以未離亢逆之邪又挾風水之氣所以陰中常伏陽象

如麻黃升麻湯治傷寒六七日大下後脈沉遲手足厥逆下部脈不至泄利不止一一盡顯陽邪陷陰

之兆其咽喉不利唾膿血明係陰火僭逆之徵故借白虎湯中石膏知母甘草以化陷溺陰中之邪麻

黃升麻黃芩以泄壯火鬱蒸之焰咽喉不利滋以姜豉門冬唾膿血和以當歸芍藥以既經大下非乾



薑白朮不能收攝虛陽非桂心茯苓不能通調營氣千金體此而立姜蕤湯以治風溫總皆少陰厥陰  
兩經緣合之邪也設非大下後脾不委頓則桂薑白朮可以不須升麻亦可裁酌要在臨證之權衡耳  
治溫毒及傷寒內虛外熱攻胃下黃赤汁及爛肉汁赤滯下伏氣腹痛諸熱毒方 梔子二七 豉一升 薤  
白一握 右三味以水四升先煮梔子薤白令熟次內豉煮取二升半分二服頓服取瘥

**衍義** 溫毒內攻而見下利煩擾故借太陽例中梔子豉湯加薤白一味上主胸中懊懷下除泄利下  
重也

治病後虛腫方 豉五升 醇酒一斗 右二味煮三沸及熱頓服不耐酒者隨性覆取汗

**衍義** 脾虛不能統氣而浮散於外故用酒煮豉以滌除陳氣則氣隨汗泄而愈

治汗不止方 地黃三斤 切以水一斗煮取三升分作三服○又方 白朮葉作飲飲之 又方 白朮  
方寸匕以飲服之

治卒得汗不止方 以溫酒服牛羊脂愈

治盜汗及汗無時方 以韭根四十九枚水二升煮一升頓服之為度○又方 豉一升以酒二升漬三  
日服不瘥更合服不過三劑即止

止汗方 杜仲 牡蠣等分 右二味治下篩臨夜卧以水服五錢匕

牡蠣散 治臥即出盜汗風虛頭痛方 牡蠣 白朮 防風各三 右三味治下篩酒服方寸匕日二  
此方一切泄汗服之三日皆愈○又方 牡蠣 雷丸 麻黃根各三 乾薑 甘草各一 米粉二升

右六味治下篩隨汗處粉之

**衍義** 血熱蒸汗用生地黃 脾虛汗泄用白朮散 經虛風熱自汗用酒服牛羊脂 瘀血自汗用

進根虛陽上升用酒煮豉與前治病後虛腫無異但有覆汗不覆汗之分 腎虛不能斂津而汗用杜  
仲牡蠣不應去杜仲加白朮防風祛風逐濕 濕熱用牡蠣麻黃等味斂中寓散法也



論曰凡熱病新瘥及大病之後食猪肉及羊血肥魚油膩等必當大下利醫所不能治也必至於死若食餅餌黍黍飽哺繪炙棗栗諸果物脯修及堅寔難消之物胃氣尚虛弱不能消化必更結熱適以藥下之則胃氣虛冷大利難禁不下之必死下之復危皆難救也熱病及大病之後多坐此死不可不慎也○病新瘥後但得食糜粥寧少食令飢慎勿飽不得他有所食雖思之勿與之也引日轉久可漸食羊肉白糜若羹汁雖免鹿肉不可食猪狗肉也新瘥後當靜臥慎勿早起梳頭洗面非但體勞亦不可多言語用心慎勿勞事餘勞尚可女勞則死當吐舌數寸其婦聞其夫瘥從百餘里來省之經宿交接中間三日發熱口喋臨死舌出數寸病新瘥未滿百日氣力未平復而犯房室畧無不死有士蓋正者疾愈後六十日已能行射獵犯房室即吐涎而死及熱病房室名為陰陽易之病皆難治多死近者有一士大夫小得傷寒瘥已十餘日能乘馬往來自謂平復犯房室即小腹急痛手足拘攣而死 時病瘥後未滿五日食一切肉麵者病更發大困 時病瘥後新起飲酒及韭菜病更發 時病新瘥食生魚鮓下痢必不止 時病新瘥食生菜令顏色終身不平復 時病新瘥汗解飲冷水者損心胞令人虛不復 時病新瘥食生菜及羊肉者必膈上作熱蒸 時病新瘥食犬羊等肉者必作骨中蒸熱 時病新瘥食魚肉與瓜生菜令人身熱作腫 時病新瘥食蒜鱸者病發必致大困

黃龍湯 治傷寒瘥後更頭痛壯熱煩悶方 仲景名小柴胡湯 柴胡半斤 半夏半升 黃芩 三兩 人參 二兩 甘草 二兩 生薑 四兩 大棗 枚 十二 右七味咬咀以水一斗煮取五升去滓服五合日三不嘔而渴者者去半夏加栝蒌根四兩

〔衍義〕少陽為樞為表裏之分限小柴胡湯為少陽專方柴胡引清氣左行於膽開發少陽之所必需膽受風木之邪病則寒熱交爭故用黃芩以中外之熱應為青爭之行病則黃芩白之文



脾內沃之涎然非人參甘草不能充大氣以禦外入之邪非生薑大棗不能開通經脈以和榮氣之神氣千金借治瘥後勞復之證以其既經一番發泄則人參護持元氣尤為切務因易之以嘉名形容神化不測之妙

補大病後不足虛勞方萬病虛取七歲已下五歲已上黃牛新生者乳一升以水四升煎取一升如人體溫稍稍飲之不得過多十日服不絕為佳

枳實梔子湯 治大病瘥後勞復者方 枳實 三枚 梔子 枚十四 豉 一升 右三味豉咀以酢漿七升先煎

減三升次內枳實梔子煮取二升次內豉煮五六沸去滓分再服覆去汗如有宿食者內大黃如博棋子五六枚

治傷寒溫病後勞復或食或飲或動作方 梔子仁 三枚 石膏 五兩 香豉 一升 鼠屎 安頭大者 二十枚 右四味

豉咀以水七升煮取三升分三服 治食大飽不消勞復脈實者方 豉 一升 鼠屎 二十枚 梔子 七枚 大黃 三兩 右四味豉咀以水六升煮取

二升分三服微取汗應小鴨澹者止不澹者復作 治新瘥早起及食多勞復方 豉 五合 鼠屎 安頭者 二十枚 右二味以水二升煮取一升盡服之溫卧令小

汗愈崔氏加梔子七枚尤良附後有麻子仁內一升加木一升亦可內枳實三枚葱白一虎口 治重病新瘥早起勞及飲食多致復欲死方 燒鬻甲末飲服方寸匕

治病新瘥遇美飲食過多食復者方 取所食餘燒為末飲調服二錢七日三服

**衍義** 經云火淫所勝以苦發之此方加枳實於梔子豉湯中以發其微汗泄胸中虛煩正苦以發之也服後覆取微汗乃吐中寓汗之變法若有宿食加大黃下奪之設況病後不敢用下則熱持而真陰益困矣傷寒論用清漿水空煎然後入藥同煎千金用酢漿和水煎服酸以收火氣之散也中暑方中漿水散從此竊出 傷寒病後勞復或飲食動作致病用梔子豉湯不加枳實而加石膏以解飲酒復



熱加鼠屎以斂肝腎虛陽然非溫病遺毒石膏不可輕用 食大飽不消勞復脈寬梔子豉湯不加枳

寔而加大黃即有宿食加大黃之法更加鼠屎以淨少陰伏熱之源 新瘥早起及女勞復但用乾豉

以辟不正餘邪鼠屎以化腎肝虛熱 大病新瘥早起復熱用蠶甲木專取滋陰而餘熱自化 病新

瘥後飲食過多復熱用所食之餘燒末服之既不大傷元氣并無誤藥之失

麥門冬湯 治勞復氣欲絕起死人方 麥門冬一兩甘草二兩京棗二十枚竹葉物一 右四味改咀以

水七升煮粳米一升令熱去米內諸藥煎取三升分三服不能服者綿滴湯內口中用之有效

治食勞方 麵二升煮取汁服之○又方 杏仁五十枚以酢二升煎取一升服之取汗

欲令病人不復方 燒頭垢如梧桐子大吞服之

治傷寒瘥後一年心下停水不能食者方 生地黃 五斤 白朮 一斤 好麵 二斤 右三味合搗令相得曝

乾下篩酒服方寸匕日三加至二匕

**衍義** 勞復氣欲絕胃虛火乘於肺也方用麥冬滋肺竹葉清心甘草和中京棗以培脾氣之耗也

食勞用麵煮取汁服以安少陽生發之氣然在西北風土剛燥之地為當東南卑濕之所徒資濕熱良

非所宜 杏仁泄肺之滿苦酒收氣之散散中寓收之法惟素稟可恃者為宜 傷寒向愈之時欲令

病氣不復乃取頭垢燒服反本還元以收上盛之熱也 傷寒瘥後經年停水心下不食用生地黃和

朮麵酒服欲除水氣蟲積必得涌吐方效昔人以鮮地黃搗汁搜麩作冷淘食之取吐不吐則利出長

蟲如辟宮而安取義雖同而緩攻急追之法不侔也

論曰婦人溫病雖瘥若未平復血脈未和尚有熱毒而與之交接受得病者名為陰陽易病其人身體重熱

上衝胸頭重不能舉眼中生眵膜一作膜四肢膝一作膝拘急小腹絞痛手足拳者即死其亦有不即死者病苦

小腹裏急熱上衝胸頭重不欲舉百節解離經脈緩弱血氣虛骨髓竭便噓噓吸其力轉少着牀不能

動搖起止仰人或引歲日方死醫者張苗說有婢得病瘥後數日有六人蟲之皆死

動搖起止仰人或引歲日方死醫者張苗說有婢得病瘥後數日有六人蟲之皆死



治婦人得病易丈夫丈夫得病易婦人方 取女人中視近隱處燒服方寸匕日三小便即利陰頭微腫

此為愈矣女人病可取男視一如此法

治交接勞復陰卵腫縮腹中絞痛便欲死方 取所交接婦人衣服以覆男子立愈

令人病不復方 取女人手足爪二十枚女人中衣帶一尺燒以酒若米飲汁服之

治男子新病起近房內復者方 取女人月經赤帛燒服方寸匕亦治陰卵腫縮入腹絞痛欲死

治病後髮亂不可理通頭法 生麻油二斤將頭髮解開安銅沙羅中用油淹漬之細將釵子理髮斯須

並白去矣

衍義 陰陽易病雖言傷寒遺毒而寃熱病居多以冬時伏氣藏于骨髓之中無由發泄得交接之淫

火溢出乘虛襲入髓竅傳於不病之人蓋傷寒之邪傷於血脈之中可從汗下而解即解之未盡熱毒

較輕非若伏藏之毒最盛而人感之則身重少氣少腹裏急陰中拘攣熱上衝胸頭重不舉眼中生花

膝脛拘急乃陰中暴受熱毒又非蕩滌所宜故燒襦為散以其人平昔所出敗濁同氣相求服之小便

得利陰頭微腫陰毒仍從陰竅而出也 或以所交婦人衣服覆男子者亦取同氣之應也 或以女

人爪甲衣帶燒服取筋之餘以療宗筋之病也 或以女人月經赤帛燒服法與視襦無異

百合第十二論 二首 方又首

論曰百合病者謂無經絡百脈一宗悉致病也皆因傷寒虛勞大病已後不平復變成斯病其狀惡寒而

嘔者病在上焦也二十三日大愈其狀腹滿微喘大便堅三四日一大便時復小溇者病在中焦也六十

三日當愈其狀小便淋瀝難者病在下焦也三十三日當愈各隨其證以治之百合之為病令人意欲食

復不能食或有美時或有不聞飲食臭時如有寒其實無寒如有熱其實無熱常默默欲臥復不得眠

至朝口苦小便赤澀欲行復不能行諸藥不能治治之即劇吐利如有神靈所為也百合病身形如和其

脈微數其候每溺時即覺頭痛者六十日乃愈百合病候之溺時頭不覺痛漸漸然寒者四十日愈百合



病候之溺時覺快然但覺頭眩者二十日愈百合病證其人或未病而預見其候者或已病四五日而出  
或一月二十日後見其候者治之善誤也依證治之 論曰百合病見在於陰而攻其陽則陰不得解也  
復發其汗為逆也見在於陽而攻其陰則陽不能解也復下之其病不愈要畧云見于陰者以陽法救之見陽攻

陰復發其汗此為逆其病難治見陰  
攻陽乃復下之此亦為逆其病難治  
百合知母湯 治百合病已經發汗後更發之方 百合擘 知母 三兩 右二味以泉水先洗漬百合

一宿當沫出水中明旦去水取百合更以泉水二升煮取一升汁置之復取知母切以泉水二升煮取  
一升汁合和百合汁中復煮取一升半分再服不瘥更依法合服

百合滑石代赭湯 治百合病已經下後更發者方 百合擘 滑石 三兩 代赭 一兩 右三味先以泉  
水漬百合一宿明旦去水更以泉水二升煮百合取一升去滓又以水二升煮餘二味取一升內百合

汁如前法復煎取一升半分再服  
百合雞子湯 治百合病已經吐後更發者方 以百合七枚漬一宿去汁以泉水二升煮取一升取雞  
子黃一枚內汁中攪令調分再服

百合地黃湯 治百合病始不經發汗吐下其病如初者方 以百合七枚擘漬一宿去汁以泉水二升  
煮取一升半內生地黃汁一升復煎取一升半分再服大便當去惡沫為驗也

治百合病經月不解變成渴者方 百合根一升以水一斗漬一宿以汁先洗病人身洗身後食白湯餅  
勿與鹽豉也渴不瘥可用栝蒌根并牡蠣等分為散飲服方寸匕日三

治百合病變而發熱者方 百合根乾 兩 滑石 三兩 右三味治下篩飲服方寸匕日三當微利止勿  
復服熱即除一本云治百合病小便赤澀臍下堅急

治百合病變腹中滿痛者方 但取百合根隨多少煮令黃色搗篩為散飲服方寸匕日三滿消痛止  
行也病不在皮肉筋脈如和法病名有合其病雖有上中下三焦之別皆由傷寒虛勞大病後

吐利也病不在皮肉筋脈如和法病名有合其病雖有上中下三焦之別皆由傷寒虛勞大病後



虛火提其血脈所致是以飲食不食如寒無寒如熱無熱微服不眠微行不行皆陽火燥陰無可奈何之狀藥雖治病然必藉胃氣以行之若毒血在脾胃經脈閉塞藥雖入而胃弱不能行故得藥轉劇而吐利也病不在皮肉筋骨則身形如和故脈微數脈數血熱則心火上炎不下交於腎而膀胱之經亦不得引精於上上虛則血濁時漸然頭眩甚則為頭痛以此微甚可十愈日之遠近也其治法咸用百合為君以安心補神能去中之熱利大小便導滌痰積然必鮮者方克有濟 若汗之而失者佐知母以調其上焦之津液 下之而失者佐滑石代赭以理其下焦之痺結 吐之而失者佐雞子黃以補其中焦之營血 若不經發汗吐下而血熱自汗但佐生地黃汁以涼血血涼則熱解毒而蘊結自行故大便當去惡沫也 其經月不解百脈內壅津液外泄而成渴者則用百合洗之一身之脈皆得通暢而津液行渴自止勿食鹽豉者以味鹹能凝血也 若洗後渴不瘥是汗多津脫則以糯薷壯蠟以斂固之 若變發熱乃血脈鬱而成熱佐滑石以通利之 百合病皆持兩端不表不裏為其熱行血脈之中非如傷寒可行汗下法所以每多扼腕往往有綿延經歲不已者愈期不復可拘也但當隨所稟偏勝而調之慎勿誤認下元虛弱妄用溫補之法也

傷寒不發汗變成狐惑第十三論一首 方三首

論曰狐惑之病其氣如傷寒默默欲眠目不得閉起臥不安其毒在咽喉為惑病在陰肛為狐病狐惑之病並惡飲食聞香臭其面目翕赤翕白翕黑毒食於上者則聲喝也偶啜毒食下部者則乾咽也此由溫毒氣所為食於上者瀉心湯主之食於下者苦參湯淹洗之食於肛外者熏之并用雄黃三片稍置瓦瓶中炭火燒向肛熏之并服湯也

治狐惑湯方 黃連 四兩 黃草 二兩 右二味改咀白酢漿一斗漬一宿煮取三升分為三服

衍義 狐惑總由濕熱生蟲以致默默欲眠寢食不安有似子狐之性多惑多疑故以比類名病通用

瀉心湯專攻濕熱固結之邪方中乾薑以行芩連之性人參以行芩連之力淹洗用苦參者取其苦燥



專除濕化之蟲重用雄黃取純陽之性以散濁惡之毒也服用黃連黃連即瀉心湯中專主佐以  
黃連專辟惡氣即瀉心湯中乾薑之義煮用酢漿專收濕化之蟲味少力專其功不在瀉心之下耳  
赤小豆當歸散 其人脈數無熱微煩默默但欲卧汗出初得之三四日目赤如鳩眼得之七八日其四  
皆黃黑能食者膿已成也治之方 以赤小豆三升漬之令生芽足乃復乾之加當歸三兩為末漿  
水服方寸匕日三即愈

**行義** 此方尚主熱毒鬱於血脈流入大腸而成狐惑之候其脈數無熱知熱不在表而在血也默默  
欲臥熱毒傷陰主靜也初得之二三日目赤如鳩眼七八日目四皆黃黑血溢於經不散凝積而為  
瘰也膿成則毒從外化無關於裏故能食也方以赤小豆清熱利水且浸令芽出以發越蘊積之毒佐  
當歸司統血之權使不致於散漫也至於先便後血亦主此方以清小腸流入大便熱毒之源見證雖  
異而主治則同也

**瀉心湯** 其病形不可攻不可灸因火為邪血散脈中傷脈尚可傷臟則劇并輸益腫黃汁出經合外爛  
肉腐為癰膿此為火疽醫所傷也夫脈數者不可灸因火為邪即為煩因虛逐實血走脈中火氣雖微  
內攻有力焦骨傷筋血難復也應在瀉心湯兼治下痢不止腹中愒堅而嘔吐腸鳴者方 大黃  
二兩 黃連 黃芩 各一兩 右三味咬咀以水三升煮取一升頓服

**行義** 按傷寒論中瀉心湯五方方名各別准全匱瀉心湯一方方合血中之火例治而集方者不察  
誤收半夏瀉心湯詳方中參半薑棗渾是溫氣之品殊非因火為邪焦骨傷筋所宜因力正之  
傷寒發黃第十四論三首 論五首 鐵足圖

論曰黃有五種有黃汗黃疸穀疸酒疸女勞疸黃汗者身體四肢微腫胸滿不渴汗出如黃柏汁良由大  
汗出卒入水中所致黃疸者一身面目悉黃如橘柚暴得熱以冷水洗之熱因留胃中食生冷瓜果所致  
若成黑疸者多死穀疸者食畢頭眩心忪佛鬱不安面發黃由水飲大寒胃氣衝行故黃也

水色正黃如汁其脈自沉從何得之此病以汁入水中和水從汁入水中和水從汁入水中和水從汁入水中和



懷足腫滿小便黃面發赤斑黃黑由大醉當風所致女勞疸者身目皆黃發熱惡寒小腹滿急小便難由大勞大熱而交接竟入水所致但依後方治之 黃汗之為病身體浮腫發熱汗出而渴狀如風水汗沾衣色正黃如柏汁其脈自沉從何得之此病以汗出入水中浴水從汗孔入得之

黃芪芍藥桂酒湯 治黃汗方 黃芪五兩芍藥三兩桂心二兩 右三味咬咀以苦酒一升水七升合煎取三升飲一升當心煩也至六七日稍稍自除心煩者苦酒阻故也

**行義** 水濕從外漸漬於經非桂之辛溫無以驅之達表既用桂芍肉和營血即以黃芪外壯衛氣以

杜濕邪之復入猶恐芪芍固復不速更用苦酒收斂津液不使隨藥外泄然服藥後每致心煩乃苦酒阻絕陽氣不能通達之故須六七日稍和心下方得快然非若水煎湯液之性味易過也

黃疸之病疸而渴者其病難治疸而不渴其病可治發於陰部其人必嘔發於陽部其人振寒而微熱

桂枝黃芪湯 治諸病黃疸宜利其小便假令脈浮當以汗解方 桂枝 芍藥 生薑各三兩 甘草二兩 黃芪五兩 大棗十二枚 右六味咬咀以水八升微火煎取三升去滓溫服一升覆取微汗須臾不汗者飲稀熱粥以助湯若不汗更服湯

**行義** 桂枝湯加膠飴名小建中取稼穡之甘入胃護營不但為風傷衛之本藥即寒傷營之尺中微

弱營氣不足血少之證亦得用之于小建中內更加黃芪名黃芪建中以治諸虛羸瘦金匱為虛勞不足祛邪補正之首方千金又加當歸名當歸內補建中以治產後虛羸腹痛此但加黃芪助衛逐濕原

無寔衛之功亦無內補之用乃金匱之原方也 麻黃醇酒湯方 治傷寒熱出表發黃疸方 麻黃三兩以醇酒五升煮取一升半盡服之溫覆汗出即愈冬月寒時用清酒春月宜用水

**行義** 芪芍桂酒湯斂中寓散桂枝黃芪湯散中寓斂麻黃醇酒湯散中加散方中麻黃散表可謂專

矣更加酒煎協濟麻黃開發營中濕熱一舉而汗散無餘即此緩急之治可識受病之淺深矣

麻黃醇酒湯方 治傷寒熱出表發黃疸方 麻黃三兩以醇酒五升煮取一升半盡服之溫覆汗出即愈冬月寒時用清酒春月宜用水

**行義** 芪芍桂酒湯斂中寓散桂枝黃芪湯散中寓斂麻黃醇酒湯散中加散方中麻黃散表可謂專

矣更加酒煎協濟麻黃開發營中濕熱一舉而汗散無餘即此緩急之治可識受病之淺深矣

麻黃醇酒湯方 治傷寒熱出表發黃疸方 麻黃三兩以醇酒五升煮取一升半盡服之溫覆汗出即愈冬月寒時用清酒春月宜用水

**行義** 芪芍桂酒湯斂中寓散桂枝黃芪湯散中寓斂麻黃醇酒湯散中加散方中麻黃散表可謂專

矣更加酒煎協濟麻黃開發營中濕熱一舉而汗散無餘即此緩急之治可識受病之淺深矣

麻黃醇酒湯方 治傷寒熱出表發黃疸方 麻黃三兩以醇酒五升煮取一升半盡服之溫覆汗出即愈冬月寒時用清酒春月宜用水

**行義** 芪芍桂酒湯斂中寓散桂枝黃芪湯散中寓斂麻黃醇酒湯散中加散方中麻黃散表可謂專

矣更加酒煎協濟麻黃開發營中濕熱一舉而汗散無餘即此緩急之治可識受病之淺深矣



治黃疸方 瓜蒂 糲米 赤小豆各二枚 右三味治下篩病重者取如大豆二枚內著鼻孔中痛縮鼻

須臾當出黃汁或從口中出汁升餘則愈病輕者如一豆不瘥間日復用又下里間以筒使人極吹鼻

中無不死大慎之剛繁療天行毒熱通貫臟腑沉伏骨髓之間或為黃疸黑疸赤疸白疸殺疸馬黃等病喘息須臾不絕

行義 見嬰兒傷寒發黃門中

大黃丸 治同前 大黃 葶藶子各二兩 右二味為末蜜和丸如梧子大每服十丸日三病瘥止○又

方 大黃二兩 黃連三兩 黃柏 黃芩各一兩 細末五合 右五味為末蜜丸如梧子大先食服三丸日

三不知加至五丸

行義 大黃丸二方皆從金匱大黃硝石湯化出彼用硝石之辛溫以行大黃梔柏之苦寒此用葶藶

佐大黃之開泄不必復用硝石散結也 次方取麩末以佐四黃之滌熱即是硝石佐大黃梔柏之義

識此變通諸法可推金匱妙用也

茵陳湯 治黃疸身體面目盡黃方 茵陳 黃連各一兩 黃芩二兩 大黃 甘草 人參各一兩 梔子二枚

右七味以水一斗煮取三升分三服日三亦治酒疸酒癖

行義 茵陳蒿湯本治傷寒瘀熱在裏而發黃又合金匱瀉心湯恐苦寒過甚有傷沖和之氣故加人

參甘草扶助胃氣以行祛濕之力殊非虛而用補之意

三黃散 治同前 大黃 黃連 黃芩各四兩 右三味治下篩先食服方寸匕日三亦可為丸

行義 此即金匱瀉心湯三味但分兩稍異變湯為散專取和滓以祛濕熱也

五苓散 治黃疸利小便方 猪苓 茯苓 澤瀉 白朮 桂心各三錢 右五味搗篩為散渴時水服

行義 五苓散中全賴桂之辛散利水逐熱金匱加茵陳治黃疸尤捷

秦椒散 治黃疸飲少溺多方 秦椒六錢 瓜蒂半兩 右二味治下篩水服方寸匕日三



**衍義** 黃疸飲少而溺反多雖有濕熱因結於中因胸中之陽本虛所以不能消水故用秦椒之辛烈溫中破結瓜蒂之苦寒逐濕除寒不得泛用利水藥傷伐下焦陽氣也

小半夏湯 治黃疸小便色不異欲自利腹滿而喘者不可除熱熱除必噦方 半夏 生薑各半斤 右

二味噦咀以水七升煮取一升五合分再服有人常積氣結而宛其心上煖以此湯少許汁入口遂活

**衍義** 黃疸雖小便之色不異然必不能清利如常以濁濕之氣上逆而致喘滿設不審中氣之本虛誤與苦寒必致嘔噦自利故借金匱生薑半夏湯以治胸中似喘不喘似嘔不嘔似噦不噦徹心中憤憤然無可奈何之狀與此恰合使胸中氣化通痰逆降則黃疸不治而治矣

治黃疸方 取生小麥苗搗絞取汁飲六七合晝夜三四飲三四日便愈無小麥種麥亦得用之

**衍義** 小麥苗搗絞取汁以其得春升之氣最早故取以通達肝氣之滯無苗種亦可性與青苗不異治黃疸變成黑疸醫所不能治者方 土瓜根搗汁一小升頓服日一平旦服至食時病從小便出先須量病人氣力不得多服力衰則起不得

**衍義** 土瓜根即王瓜之根性味寒滑通津化熱本經主治與栝蔞根相類其治黃疸變黑惟濕熱久漬不得下泄通身浮腫黯黑者為宜若用以治女勞疸及飲酒使內額上黑之陰疽虛實寒熱迥異豈但力衰不得起而已哉

治發黃身面目悉黃如金色小便如濃者柏汁煎醫不能療者方 茵陳 梔子各四兩 黃芩 大黃 柴

胡 升麻各三兩 龍膽二兩 右七味噦咀以水八升煮取二升七分三服若身體羸去大黃加梔子

五六兩生地黃一升延年秘錄有茵陳無梔子四兩栝蔞 夫黃發已久變作桃皮色心下有堅嘔逆不

下飲食小便極赤而少四肢厥冷脈深沉極細遲者不宜服此方得下必變晚也宜與大茵陳湯除大黃加生地黃五兩服盡湯消息看脈小浮出形小見不甚沉微便可治也脈浮見者黃當明不復作桃皮色心下自寬也



〔行義〕 痼病而致通身面目悉黃溺如濃煎柏汁濕熱漸清已劇雖日用茵陳大黃不得升麻柴胡開提於上龍膽芩梔降泄於下何能分解其勢而使之克應哉其方後有云若身體羸去大黃加梔子生地黃以清血中之熱渴不去龍膽而去大黃以目黃證在肝經是以不得不用耳若黃久不除變作桃皮色者是中氣為水濕所過不得運行中外所以心下有堅嘔逆不食雖四肢逆冷六脈深沉但審其小便赤少知為熱鬱在裏而傷耗津液又當推大茵陳湯亦須去大黃易生地黃方為合法

大茵陳湯

治內實熱盛發黃如金色服浮大滑實緊數者大發黃多是酒客勞熱食少胃中熱或溫毒內熱者故黃如金色方 茵陳 黃柏各一兩 白朮各三兩 黃芩 甘草 茯苓 梔子 前

胡積實各二兩 梔子二十枚

〔行義〕 發黃本乎濕熱濕熱本乎脾虛此以枳朮苓甘加入茵陳蒿湯中助脾逐濕佐以前胡枳朮下

氣通津黃柏黃芩燥濕清火皆本經治諸熱黃疸之專藥較茵陳蒿湯功力倍常因以大字銜之

苦參散 治人無漸忽然振寒發黃皮膚黃麴塵出小便赤少大便時閉氣力無異飲食不妨已服諸湯

散餘熱不除久黃者宜吐下方 苦參 黃連 瓜蒂 黃柏 大黃各一兩 葶藶二兩 右六味治下節

飲服方寸匕當大吐吐者日一服不吐日再亦得下服五日知可消息不覺退更服之小折便消息之

〔行義〕 病起於忽然振寒知為少陽火氣鬱發奪其春升之令津液不能灌充所以色黃枯悴有如麴

塵出現於皮膚洵為膽熱無疑更審二便閉濇飲食如故胃氣尚堪克任苦寒故用苦參三黃峻攻濕

熱兼瓜蒂佐苦參取吐於上葶藶佐大黃降泄於下上下開泄急通少陽之樞則津液方得灌充是皆

病起於暴之至治也若因病而漸次成疸正氣本虛之證又非此方可擬也

治發黃方 茵陳 黃柏 梔子 大黃各三兩 黃連二兩 右五味咬咀以水九升煮取三升分三服先

服湯後服丸方 大黃五兩 茵陳 梔子各三兩 黃芩 黃柏 黃連各二兩 右六味為末蜜丸如梧子

服湯後服丸方 大黃五兩 茵陳 梔子各三兩 黃芩 黃柏 黃連各二兩 右六味為末蜜丸如梧子

服湯後服丸方 大黃五兩 茵陳 梔子各三兩 黃芩 黃柏 黃連各二兩 右六味為末蜜丸如梧子



方之制以治表裏俱熱乃於梔子柏皮湯中除去甘草之甘緩而加黃連之苦燥以緩攻其餘此先後緩急之治也

麻黃連翹赤小豆湯 治傷寒瘧熱在裏身體必發黃方 麻黃 連翹 甘草各二兩 生薑三兩 大棗二十枚 杏仁三十枚 赤小豆一升 生梓白皮二升 右八味咬咀以勞水一斗先煮麻黃去沫次內諸藥煎取

三升分三服

行義 傷寒論瘧熱在裏而發黃有二方茵陳蒿湯治瘧熱在裏不得發越而頭汗身黃故用茵陳梔子大黃引之下泄此治傷寒之邪失於表散或汗之不徹瘧熱在裏而身發黃故借用麻黃湯法於中減却桂枝增入連翹梓皮赤小豆清熱利水生薑大棗開發肌腠使濕熱之氣半從元府而解半從滲

道而解不可泥詞害義以為瘧熱在裏反用表藥致惑也

茵陳蒿湯 治傷寒七八日內實瘧熱結身黃如橘小便不利腹微脹滿宜下之方 茵陳六兩 大黃三兩 梔子十四枚 右三味咬咀以水一斗二升先煮茵陳取五升去滓次內梔子大黃煎取三升分服一

升日三小便當利如皂莢沫狀色正赤當腹減黃悉隨小便去也范注用療穀疸小品方用石膏一斤

行義 即前麻黃連翹赤小豆湯下

大黃黃柏湯 治發黃腹滿小便不利而赤自汗出此為表和裏當下之方 大黃三兩 黃柏各四兩 梔子十五枚 右四味咬咀以水六升煮取二升去滓內芒硝緩煎取一升先食頓服之

行義 發黃而見腹滿溺赤全是裏實之驗故宜急追無容憚緩硝黃梔柏雖云峻攻之味而實保全

真陰之上藥也

茵陳丸 治時行病急黃并瘴癘疫氣及瘡癰方 茵陳 梔子 芒硝 杏仁各三兩 巴豆半兩 恒山

驚甲各二枚 五合 大黃五兩 右九味為末以錫和丸如梧子大飲服三丸以吐利為佳不知加一丸



初覺體氣有異急服之即瘥神效

**衍義**

瘴癘疫癘忽然發黃難與尋常疸證並論方中硝黃茵陳梔子不得巴豆湯滌之力則毒熱不能從之下奪乾杏仁專解時行之邪恒山鱉甲專祛疫癘之毒也

治急黃熱氣骨蒸兩目赤脈方 芒硝一兩 大黃半兩 生地黃汁八合

利為度不須二服

**衍義**

疸發而見骨蒸似乎虛象以病起於急屬實何疑其兩目脈赤又為血熱之驗故於金匱大黃硝石湯中裁去黃柏梔子之苦寒加入生地黃汁專化血脈之滯也

治風疸小便或黃或白灑灑寒熱好臥不欲動方 三月生艾一束搗取銅器中 苦參 大黃 黃連

凝水石 栝蔞根 葶藶

二十丸有熱加苦參渴加栝蔞小便澀加葶藶小便多加凝水石小便白加黃連大便難加大黃

**衍義**

病人濕熱內盛加以風邪外襲所以灑灑寒熱其證懶於動作嗜臥小便或白或黃昏濕熱時降時升之驗故於苦參散中裁汰瓜蒂黃柏進用艾汁溫散風熱兼凝水石栝蔞佐諸苦寒以行津化熱為務也

寸口脈浮而緩浮則為風緩則為痺痺非中風四肢苦煩脾色必黃瘰熱以行跗陽脈緊而數數則為熱

熱則消穀緊則為寒食則滿也尺脈浮為傷腎跗陽脈緊為傷脾風寒相薄食穀即眩穀氣不消胃中苦濁濁氣下流小便不通陰被其塞熱流膀胱身故盡黃名曰穀疸

治勞疸穀疸丸 苦參 三兩 龍膽 一兩

右二味為末牛膽和為丸如梧子大先食以麥粥飲服五丸日

三不知稍加之

**衍義** 務穡作甘而蘊熱發黃故用苦參之苦燥以攻穀疸之蘊熱龍膽之苦寒以瀉勞疸之積火丸

用牛胆汁取以為胆熱之嚮導先食麥粥飲服乃金匱硝石礬石散之成法取助胃氣以行藥力也



夫酒疸其脈浮者先吐之沉弦者先下之夫人病酒疸者或無熱靖言了了腹滿欲吐嘔者宜吐之方前苦參散七味者是酒疸必小便不利其候當心中熱足下熱是其證也夫酒疸下之久久為黑疸目青面黑心中如咬蒜蘖狀大便正黑皮膚爪之不仁其脈浮弱雖黑微黃故知之

積實大黃湯 治傷寒飲酒食少飲多痰結發黃酒疸心中懊憹而不甚熱或乾嘔方

積實 五枚 大黃 三兩 豆豉 半升 枳實 七枚 右四味改咀以水六升煮取二升分三服心中熱疼懊憹皆主之

**衍義** 此即傷寒勞復積實枳子豉湯若有宿食加大黃之法使宿食可化濕熱可祛黃疸自除即胸中懊憹舍枳子豉湯別無良法

凝水石散 治內疸飲少小便多如白泔色此病得之從酒方

凝水石 白石脂 枳實根 桂心 各 銖 八 銖 右六味治下節麥粥飲服五分又日三服五日知十日瘥

**衍義** 治疸通用逐濕利水而此獨用寒水石治身熱腹中積聚邪氣皮中如火燒煩滿治腎臟虛

火深得本經之奧至於白石脂性專固脫殊非疸病所宜以其飲少溺多色白如泔知為腎虛標熱故

以桂心免絲佐白石英溫補下元知母栝萸佐寒水石兼化標熱病因飲酒使內故名之曰內疸

茯苓丸 治心下縱橫堅而小便赤是酒疸者方 茯苓 茵陳 乾薑 各一兩 白朮 枳實 各三兩 半夏 各八銖 甘遂 六銖 蜀椒 當歸 各二銖 右十味為末蜜和丸如梧子大空腹服三九日三稍稍加以

小便利為度翼方如黃連一兩大黃十八銖名 行義 前凝水石散治內疸此茯苓丸治酒疸乃酒積漬於心下按之縱橫格指故用蜀椒乾薑溫散

堅痞枳朮苓半健運痰濕杏仁當歸下氣和血甘遂茵陳破結利水為酒疸開辟去路也

半夏湯 治酒癖蔭胸心脹滿骨肉沉重逆害飲食乃至小便赤黃此根本虛勞風冷飲食衝心由脾胃

內痰所致方 半夏 一升 生薑 黃芩 當歸 茵陳 各一兩 枳實 甘草 大戟 各二兩 茯苓 白朮 各三兩 右十一味改咀以水一斗煮取三升分作三服

白朮 各三兩 右十一味改咀以水一斗煮取三升分作三服

白朮 各三兩 右十一味改咀以水一斗煮取三升分作三服

白朮 各三兩 右十一味改咀以水一斗煮取三升分作三服

白朮 各三兩 右十一味改咀以水一斗煮取三升分作三服

白朮 各三兩 右十一味改咀以水一斗煮取三升分作三服



**衍義** 茯苓丸治胸中冥飲故用蜀椒乾薑半夏湯治胃中熱痰故用黃芩生薑此方中前胡甘草則前方杏仁之意此方中大戟即前方甘遂之意其餘則兩方並用總皆健運中氣之品中氣健運雖根本虛勞藥無不應酒疸無客留之患矣

**牛膽丸** 治酒疸身黃麴塵出方 牛膽一枚 芫花一升 薤花半升 瓜蒂三兩 大黃八兩 右五味四味

一丸至八丸 膈上吐膈下利或不吐而自愈  
改咀以清酒一斗漬一宿者減半去滓內牛膽微火煎令可丸如豆大服一丸日移六七尺不知復服

**衍義** 靈樞有云酒氣慄悍入於胃中則胃脹氣上逆滿於胸中肝浮膽橫膽之熱滿而汁溢於外以漸滲於經絡則身目皆黃芫花薤花瓜蒂大黃一派苦寒藉牛胆汁為丸引入胆家隨其瀉利以取吐下則津液流通麴塵之色自化前治勞疸穀疸方中用牛胆汁是瀉積滯之大此用牛胆汁以瀉酒濕之熱也

**茵陳丸** 治氣淋臙脹腹大身體面目悉黃及酒疸短氣不得息方 茵陳 天門冬 梔子各四兩 大黃

桂心各三兩 通草 石膏各二兩 半夏半升 右八味蒸大黃通草天冬梔子半夏曝令乾合搗篩蜜丸

如大豆服三丸日三忌生魚以豆羹服不得用酒 一方去石膏內滑石二兩不知加至十丸

**衍義** 詳方下臙脹腹大皆由濕熱所蒸而致面目悉黃短氣不得息故以導氣化熱為主惟桂心熱

因熱用之內應即酒疸亦不出此

黃家至日晡所發熱而反惡寒此為女勞得之當膀胱急小腹滿體盡黃額上黑足下熱因作黑疸其腹臙脹而滿如欲作水狀大便必黑時澹泄此女勞疸非水也腹滿者難治

**硝石礬石散** 治女勞疸方 硝石 礬石各半兩 右二味治下篩大麥粥汁服方寸匕日三重衣覆取

汗病隨大小便出小便正黃大便正黑

**衍義** 五疸之中以黑疸為最劇而血疸之因有二一從女勞得之一從酒疸不真而變黑也



他之候病則日晡發熱而反惡寒陰邪鬱阻陽氣也膀胱懸小腹滿陰邪結於陰分也身黃額上黑陰邪上侮陽位也足下熱陰虛陽必湊之也腹滿臃脹濁陰之氣上逆也如欲作水狀大便黑時溇本非水病而化血為水也腹滿者難治瘀血固結陰虛難於峻攻也然病雖危迫又不忍納手坐視金匱乃竭厥心力急需硝石以攻固結之陰邪皂礬以破委積之瘀垢為女勞疸開一死中求活法門圖僥倖於萬一在虛不勝攻勢不獲已者則以硝石和礬神麩和丸大麥粥汁服十丸至二十九丸且有瘀血發黃正氣衰敗而變黑疸瀕危尤甚廬扁不能為力也

濕疸之為病始得之一身盡疼發熱面色黑黃七八日後壯熱熱在裏有血當下之如純肝狀其小腹滿者礬石滑石散急下之亦治一身盡黃目黃腹滿小便不利方 礬石 滑石 兩各五 右二味治下篩

以大麥粥汁服三寸匕日三先食服之便利如汗者已當汗出瘥

**衍義** 此祖金匱女勞疸法復立礬石滑石散因血既下如純肝狀雖小腹當滿量結必不甚堅故但取皂礬之滌垢佐滑石以利竅不須硝石峻攻也

黃疸之為病日晡所發熱惡寒小腹急身體黃額黑大便溇黑足下熱此為女勞腹滿者難治治之方 滑石石膏散 滑石 石膏等分 右二味治下篩大麥粥汁服方寸匕日三小便極利則瘥

**衍義** 證雖日晡發熱惡寒身黃額上微黑而無血下如純肝狀縱大便溇黑諒無實結可攻故重立滑石石膏散但用石膏佐滑石利竅化熱并去皂礬之堅攻此隨證以定法外之法仍不出法中之法也 詳前後諸方獨不及陰黃之治者以秦中稟賦剛強絕無虛寒之患故無藉於辛溫之藥也

**鍼灸黃疸法** 正面圖第一 寅門 上斷 巨關 俠人中 陰維 舌下 從鼻頭直入髮際度取通繩分為三斷繩取一分入髮際當繩頭鍼是穴治馬黃黃疸等病

上斷裏穴 正當人中及唇鍼三銜治馬黃黃疸等病

上膠穴 入口裏邊在上縫赤白脈是鍼三銜治馬黃黃疸四時等病







手太陽穴 手小指端灸隨年壯治黃疸

解石子頭穴 暹取病人手自捉臂從腕中大澤釋當作淵文向上一尺接白肉際灸七壯治馬黃黃疸等病

錢孔穴 度乳至臍中屈肋頭骨是灸百壯治黃疸

太衝穴 鍼灸隨便治馬黃黃疸溫疫毒等病

溫瘧第十五論 方三十一首 灸刺法 續瘧法一首 符二首

論曰夫瘧者皆生於風夏傷於暑秋為瘧瘧也問曰瘧先寒而後熱者何也對曰夫寒者陰氣也風者陽氣也先傷於寒而後傷於風故先寒而後熱也病以時作名曰寒瘧問曰先熱而後寒者何也對曰先傷於風而後傷於寒故先熱而後寒也亦以時作名曰溫瘧其但熱而不寒者陰氣先絕陽氣獨發則少氣煩悶手足熱而欲嘔名曰瘧瘧問曰夫病溫瘧與寒瘧而皆安舍於何藏對曰溫瘧者得之冬中於風寒氣藏於骨髓之中至春則陽氣獨發邪氣不能自出因遇大暑腦髓燥肌肉消腠理發泄因有所用力邪氣與汗皆出此病邪氣先藏於腎其氣先從內出之於外也如是則陰虛而陽盛盛則病矣衰則氣復反入入則陽虛虛則寒矣故先熱而後寒名曰溫瘧問曰瘧瘧何如對曰瘧瘧者肺素有熱氣盛於身厥逆上衝中氣寔而不外泄因有所用力腠理開風寒舍於皮膚之內分肉之間發則陽氣盛陽氣盛而不衰則病矣其氣不及於陰故但熱而不寒氣內藏於心而外舍於分肉之間令人消鑠脫肉故名曰瘧瘧夫瘧之旦發也陰陽之且移也必從四肢始也陽已傷陰從之故氣未并先其時一食頃用細左索繫束其手足十指令邪氣不得入陰氣不得出過時乃解夫瘧脈自弦也弦數者多熱弦遲者多寒弦小緊者可下之弦遲者可溫之若脈緊數者可發汗鍼灸之脈浮大者吐之瘧脈弦數者風發也以飲食消息止之瘧歲歲發至三歲或連月發不解者以膏下有痞也治之不得攻其痞但得虛其津液先其時發其汗服湯已先小寒者引衣自覆汗出小便利即愈瘧者病人形瘦皮上必粟起也病瘧一日發當以十五日愈設不瘳當月盡解也不愈當云何師曰此病結為癥瘕名曰瘧母急當治之



驚甲煎丸主治方

驚甲分二半夏

人參各一

大戟

瞿麥

桃仁

海藻

葶藶各二

阿膠

紫葳

石韋 乾薑

大黃

厚朴

桂心

蝨蟲各三分

芩藎各五分

丹皮

芍藥各五分

蜂窠四分

蛻螂

柴胡各六兩

烏扇

黃芩各十

右二十四味

為末

取鍛灶下灰

一斗

清酒一斛

五斗

以酒清反取酒煮

驚甲盡爛

泝如漆絞去滓

下諸藥煎為丸

如梧子大

未食服

丸日三

戰多赤痢

戰多赤痢

戰多赤痢

戰多赤痢

戰多赤痢

戰多赤痢

戰多赤痢

多由痰食內滯風邪外閉內外兼併所以寒熱交爭至於病久不除或治之不當結成瘧母必著於左

脅者肝邪必結肝部也積既留著客邪內從火化當無外散之理故專取驚甲伐肝消積尤妙在灰煮

去滓後下諸藥則諸藥咸得驚甲引入肝膽部分位以柴胡黃芩同躋少陽區域參薑朴半助胃祛痰

桂芍牡丹桃葳阿膠和營散血蛻螂蜂窠蝨塵烏扇聚毒勢攻瞿麥藻戟葶藶大黃利水破結未食前

服丸首服不過二十餘粒藥雖峻而不驟傷元氣深得峻藥緩攻之法又易金匱方中赤硝毒劣則

易之以藻戟鼠婦難捕乃易之以蝨麤略為小變不失大端

柴胡栝萸根湯 治瘧而發渴者方

柴胡八兩 黃芩 人參 甘草 生薑各三 大棗二十 栝萸根四

右七味咬咀以水一斗二升煮取六升去滓煎取三升溫服一升日三

行義 少陽木火氣盛消燦陽明之津液是以煩渴瘧邪隨火進退總不離少陽之經合用小柴胡進

退施治進用栝萸退去半夏方合病機金匱方下并治火盛津傷之勞瘧專取栝萸根之滋津化熱也

小柴胡湯在傷寒瘧後頭痛壯熱煩悶方中易其名曰黃龍湯方後有云渴去半夏加栝萸根可見用

方在合病情不在主治何病也

蜀漆散 多寒者壯瘧也治之方

蜀漆 雲母 龍骨等分

服半錢臨發服一錢溫瘧加蜀漆半分雲母燒三晝夜

行義 此以邪伏金匱方謂之瘧金匱方從古誤列壯瘧即千金之智略不加察亦仍其誤而為壯瘧



趙以德金匱行義註作心為壯藏不特穿鑿且復支離焉知邪氣內藏於心則獨熱無寒謂之瘧瘧伏藏於腎則多寒少熱謂之牝瘧濁陰痰涎深伏幽隱非用蜀漆和漿水涌吐之法無以發越陽氣更須龍骨固斂陰津於下雲母升舉陽氣於上斯陽從龍起陰隨涌泄庶胸次得以廓然蜀漆性專逐濕追痰稍增半分於本方之中則可以治太陰濕瘧濕為陰邪糾紐其陽亦必多寒少熱故此方尤為符合舊本金匱方後誤作溫瘧大謬詳雲母龍骨純陽之性決非溫瘧所宜以牝為壯將濕作溫千古未剖之疑團一旦豁然貫通矣

壯蠟湯 牝瘧者多寒治之方 壯蠟 麻黃各四兩 甘草二兩 蜀漆三兩無以恒山代之 右四味先洗蜀漆三過

去腥咬咀以水八升煮蜀漆麻黃得六升去沫乃內餘藥煮取二升飲一升即吐出復飲之

行義 外臺壯蠟湯方下主治壯瘧多寒則牝壯不辨已不在千金方後也此方中壯蠟即蜀漆散中

龍骨之意蜀漆得雲母專升陽邪陷陰故以純陽之龍骨為佐此方中麻黃即蜀漆散中雲母之意蜀

漆得麻黃專開陰邪之固閉故以純陰之壯蠟為輔甘草調和藥性之陰陽也

有瘧瘧者陰氣孤絕陽氣獨發而脈微其候必少氣煩冤手足熱欲嘔但熱而不寒邪氣內藏於心外舍於分肉之間令人消燂脫肉也 有溫瘧者其脈平無寒時病六七日但見熱也其候骨節疼煩時嘔朝

發暮解暮發朝解名溫瘧

行義 瘧之陰裏離於陽陽亦不併於陰故陽獨發而但熱肺受火抑故脈微少氣脾為陽乘故手足

熱胃因邪逆故欲嘔邪氣內藏於心故煩冤外舍分肉故肉燂條下雖未出方合用白虎無疑白虎專

於退熱其分肉四肢內屬脾胃非切於所舍者乎又瀉心肺之火非救其少氣煩冤者乎

白虎加桂湯治之方 石膏一斤 知母三兩 甘草二兩 梗米六合 右四味咬咀以水一斗二升煮米爛

去滓加桂心三兩煎取三升分三服覆令汗先寒發熱汗出者愈

行義 內經言溫瘧先熱後寒金匱言溫瘧但熱不寒雖有似乎瘧瘧而寔不同也瘧瘧兩陽合邪上



黃心肺所以少氣煩寃消燦肌肉溫瘧脈如平人邪未合而津未傷陽受病而陰不病所以骨節煩疼時嘔惟白虎以治陽邪如桂以通營衛則陰陽和血脈通得汗而愈矣

麻黃湯 治瘧須發汗方 麻黃 桂枝根 大黃略 甘草一兩 右四味咬咀以水七升煮取二升

半分三服未發前食頃一服臨發一服服後皆厚覆取汗

**行義** 瘧宜發汗必壯熱脈實勢不得不用麻黃急開肌表以洩外淫之邪更審便溺燥結又不得不用大黃并疏裏氣以通內蘊之滯麻黃力猛甘草和之大黃性暴桂枝根濡之方得兼濟之妙服後厚覆取汗必非夏秋時瘧治例即當寒月苟非北方稟賦之強亦難效用方者不可不審反歸咎於立方之過也

治瘧或間日發者或夜發者方 恒山 竹葉各一兩 秣米一百粒 石膏二兩 右四味咬咀以水八升銅器

中漬藥露置星月下高淨處橫刀其上明日取藥於病人房中以銅器緩火煎取三升分三服清旦一服未發前一食頃一服臨發一服三服訖靜室中臥莫共人語當一日勿洗面手及漱口勿進食取過時不發乃澡洗進食并用藥汁塗五心胸前頭面藥滓置頭邊曾用神效救急方用焉

**行義** 瘧之日發夜發或間日發由邪伏之淺深不同氣血所受非一此概用恒山峻攻痰水或吐或下隨其攸利然在發散表邪後熱邪內盛而煩渴不止故借白虎竹葉石膏之法兼清肺胃之熱若中氣虛寒難於勝任者又未可以漫試也

又方 先作羊肉臠麵餅飽食之并進少酒隨所能令欣欣有酒氣入密室中煖炭火厚覆取大汗即瘥

又方 燒黑牛尾頭毛作灰酒服方寸匕日三

**行義** 羊肉補形形羸不勝藥攻故取酒肉醉飽密室火烘覆汗營衛得和即瘥 諸毛之灰皆能收

濕牛屬坤土取尾毛燒灰專除濕熱陳氣也

恒山 治瘧瘧說不可具方 恒山 知母 甘草 大黃 各樹麻黃 一兩 右五味為末蜜和丸如



梔子大末食服五丸日二不知漸增以瘰為度

**衍義** 恒山截瘰首推善破胸中痰結得甘草則吐得大黃則利至於麻黃乃攻表之峻藥瘰久成痰有何客邪而復用之不知麻黃在丸劑中但為隨班効力不能專逞其功况有知母斂其走表之性亦必從之而內奪矣前麻黃湯中大黃則隨麻黃走表此恒山丸中麻黃則隨大黃走裏湯以急蕩丸以緩攻乃必然之理故瘰瘰得以用之苟不能透此一關未可與言千金之法

**又方** 治瘰經數年不瘥者兩劑瘥一月已來二劑瘥方 恒山三兩為末以雞子白和并手丸如梧子大置銅器中於湯中煮令熟殺腥氣則止以竹葉飲服二十丸欲吐但吐至發令得三服時早可斷食而晚不可斷食可竹葉汁煮糜少食之

**衍義** 恒山治瘰有劫痰截病之功在胃氣虛人入口吐逆昏眩以故是如戈戟即強實人亦須雞子白和凡煮令去腥庶不大傷中氣服用竹葉飲專清胃中煩熱服時早可斷食隔晚不可斷食恐胃太空虛無力以行藥性也

梔子湯 治同前 梔子枚十四 秫米粒四十 恒山三兩 車前葉二七枚 右四味咬咀以水九升煮取三升

分三服未發一服發時一服發後一服以吐利四五行為度不止冷飲止之

**衍義** 梔子湯中用秫米即前方用雞子白之意用梔子車前即前方竹葉之意

**又方** 恒山三兩 烏賊骨升麻 鱉甲附子各一 右五味咬咀絹袋盛以酒六升漬之小令近火

轉之一宿成一服一日合發可數服或吐下

**衍義** 方中升麻竝恒山以上涌烏鱗佐鱉甲以下泄附子和酒徹底以破濁陰涎垢也

治瘰方 鱉甲方寸 烏賊骨方寸 附子炮甘草各一 恒山二兩 右五味咬咀以酒二升半漬之露一宿

明日塗五心手足過發時瘰斷若不斷可飲一合許瘥

**衍義** 此方不用升麻而用甘草恒山得甘草則吐較升麻上升尤捷用塗五心前方亦無不可



治瘧無間新久者方 小便半升蜜三七

右二味煮三沸頓服每發日平旦時服自至發勿食重者漸

退不過三服瘥○又方 車前子 鼠尾子各一虎口

搗芫荽根燒為灰和水服一合量人大小強弱用之○又方

瓜蒂二匕枚搗水漬一宿服之○又方

常以七月上寅日採麻花為末酒服方十七

行義 小便寒降恐其滯邪者沸則不速下和蜜湯以留中故瘧無新久咸可用之然必陰虛火旺者

為宜 車前取其利水鼠尾取其散熱若表邪方盛未可概施 馬鞭草功專入肝散血婦人經行前

後尤為合輟 芫荽子性稟陰毒燒灰猶能逐濕陰邪弱人不宜常試 瓜蒂吐胸中痰濕較之恒山

力雖稍遜亦是傷胃之品 麻花之性走而不守追逐遍體諸風惡血得酒以行其力而惡疾自除

蜀漆丸 治勞瘵并積勞寒熱發有時似瘧方 蜀漆 麥冬 知母 白薇 地骨皮 升麻各三錢

草 蠶甲 烏梅肉 姜蕤各一兩 恒山半兩 石膏二兩 豉一合 右十三味為末蜜和丸如梧子大飲

服十九日再服之稍稍加至二三十丸此神驗無不瘥也 一方加光明砂一兩

行義 此治積勞成瘵非虛勞之謂勞則火起於腎而積勞致困肝脾不能無預然火性上炎肺胃亦

不能無傷所以備用各經清潤之品惟升麻一味升散寒熱猶恐鼓動津液即以烏梅酸收配之瘵家

多蓄痰涎黃水非恒山不能上涌而此既用恒山復用蜀漆得無過猛之慮猶賴暗藏白虎等藥於中

可以保安無艾

烏梅丸 治寒熱勞瘵形體羸瘦痰結胸中食飲減少或因行遠久經勞役患之積年不瘥方 烏梅肉

豆豉各一升 地骨皮 柴胡 前胡 蠶甲 恒山各一兩 元參 肉苁蓉 百合 蜀漆 人

參 知母 桂心各半兩 桃仁八枚 右十六味為末蜜丸空心煎細茶下三十九丸二服老少孩童量力

通用無所忌

行義 烏梅丸亦主勞瘵證雖新久攸分逐疫清熱則一方中柴胡前胡即前方白薇之意百合即前

治勞瘵時下斷取治無效方 生長大牛膝一握切以水六升煮取二升分再服第一服取末



方姜從麥門冬之意元參即前方石膏甘草之意瘧久脾腎兩虧非人參不能助長藥力非茯苓不除勞傷寒熱寒熱積久肝血受傷則桂心桃仁又所必需耳

治勞瘧積時不斷厚治無效方 生長大牛膝一握切以水六升煮取二升分再服第一服取未發前食

頃第二服取臨發時

〔衍義〕勞瘧積年不除諸藥罔效乃邪氣痺著於下焦因取牛膝一味生切煮服不須復用他藥然瘧

發午前病屬陽分及風瘧暴發久瘧陽虛咸非所宜不可用熟熱則補而不宣無逐濕祛邪之用也

大五補湯

治時行後變成瘧瘧方

人參 白朮 茯苓 甘草 乾地黄 黃芪 當歸 芍藥

兩芍藥

遠志 桔梗

各二桂心

三十竹葉

五兩

大棗

二十生枸杞根

生薑

各一半夏 麥冬

右十八味以水三斗煮竹葉枸杞取二斗次內諸藥煎取六升分六服一日一夜令盡

〔衍義〕

方下所主時行後變成瘧瘧瘧則山嵐瘴氣非由變成詳方中諸藥一皆調補之味又非治瘧

之品此必瘡字誤列瘧字亥豕相似之故耳

鯨鯉湯

治乍寒乍熱乍有乍無山瘧瘧方

鯨鯉甲

各四鰲甲

烏鰂骨

各一恒山

三兩附子

右五味以酒三升漬一夕發前稍稍啜飲勿絕吐之兼以塗身斷食過時乃食飲

〔衍義〕

時行瘧瘧之氣不犯陽明濕土而傷風木之經所以寒熱不時非若尋常瘧發之有常期也瘧

邪既犯厥陰故取芎走肝經血肉之味兼附子通行經脈之力鼓舞恒山迅掃疫涎一涌而渙散無餘

瘧瘧之金鉀無愈於斯也

烏梅丸

治肝邪熱為瘧令人顏色蒼蒼氣息喘悶戰掉狀如死者或久熱勞微動如瘧積年不瘥方

烏梅肉

蜀漆

鰲甲

姜蕤

知母

苦參

各一恒山

石膏

香豉

甘草

細辛

右十一味為末蜜丸如梧子大酒服十丸日再飲服亦得

治心熱為瘧不止或止後熱不歇乍來乍去令人煩心甚欲飲清水反寒多不甚熱者方

甘草 一兩蜀



漆三兩 恒山 鱉甲各四兩 石膏 香豉一合 梔子 烏梅各三枚 淡竹葉切二 右九味咬咀以水九升

煮取三升分三服

恒山丸 治脾熱為瘧或渴或不渴熱氣內傷不泄令人病寒腹中痛腸中鳴汗出方 恒山三兩 甘草半兩 知母各一兩 鱉甲各一兩 右四味為末蜜丸如梧子大未發前酒服十丸臨發時一服正發時一服

恒山湯 治肺熱痰聚胸中來去不定轉而為瘧其狀令人心寒甚則發熱熱間則善驚如有所見者方 恒山三兩 甘草半兩 秫米三升 右三味咬咀以水七升煮取三升分三服至發時令三服盡

又方 治腎熱發為瘧令人淒淒然腰脊痛宛轉大便難目眴眴然身掉不定手足寒方 恒山三兩 烏梅三枚 竹葉切一握 香豉八合 葱白一握 右五味咬咀以水九升煮取三升分三服至發令盡

行義 五臟之瘧皆在於經而諸經見證雖各不同其主治之用總以恒山蜀漆為破的之金錒其熱在於肝令人顏色蒼蒼又須烏梅鱉甲為引以收耗散之陰 熱在於心令人煩心欲飲清水又須竹葉梔子為引以清發渴之熱 熱在於脾令人腹痛腸鳴又須甘草為引以滋燥竭之土 熱在於肺令痰聚胸中去來不定又須秫米為引以護傷殘之氣 熱在於腎令人淒淒然腰脊痛目眴眴然又須葱白香豉以發內陷之邪

藜蘆丸 五臟並有瘧候六腑則無獨胃腑有之胃腑瘧者令人旦病也善飢而不能食食而支滿腹大治之方 藜蘆 恒山 兒茈 牛膝各一兩 巴豆三枚 右五味先熬藜蘆兒茈色黃合搗為末蜜和

凡如小豆大巨服一丸正發時一丸一日勿飽食肘後無恒山牛膝 右五味先熬藜蘆兒茈色黃合搗為末蜜和

衍義 六腑之瘧多見經證純屬於腑者惟胃腑有之故證見善飢不欲食腹支滿則為胃腑受病之候又須兒茈佐藜蘆以上涌牛膝引巴豆以下奪腑實之病與經熱不同非極力峻攻不能豁然取效

刺足法 肝瘧治足厥陰見血 心瘧刺手少陰 脾瘧刺足太陰 肺瘧刺手太陰陽明 腎瘧刺足少陰太陽

肝瘧治足厥陰見血 心瘧刺手少陰 脾瘧刺足太陰 肺瘧刺手太陰陽明 腎瘧刺足少陰太陽

肝瘧治足厥陰見血 心瘧刺手少陰 脾瘧刺足太陰 肺瘧刺手太陰陽明 腎瘧刺足少陰太陽

肝瘧治足厥陰見血 心瘧刺手少陰 脾瘧刺足太陰 肺瘧刺手太陰陽明 腎瘧刺足少陰太陽

肝瘧治足厥陰見血 心瘧刺手少陰 脾瘧刺足太陰 肺瘧刺手太陰陽明 腎瘧刺足少陰太陽

肝瘧治足厥陰見血 心瘧刺手少陰 脾瘧刺足太陰 肺瘧刺手太陰陽明 腎瘧刺足少陰太陽

肝瘧治足厥陰見血 心瘧刺手少陰 脾瘧刺足太陰 肺瘧刺手太陰陽明 腎瘧刺足少陰太陽

肝瘧治足厥陰見血 心瘧刺手少陰 脾瘧刺足太陰 肺瘧刺手太陰陽明 腎瘧刺足少陰太陽

肝瘧治足厥陰見血 心瘧刺手少陰 脾瘧刺足太陰 肺瘧刺手太陰陽明 腎瘧刺足少陰太陽

肝瘧治足厥陰見血 心瘧刺手少陰 脾瘧刺足太陰 肺瘧刺手太陰陽明 腎瘧刺足少陰太陽



胃瘧刺足太陰陽明橫脈出血 凡又瘧必先問其病之所發者先灸之從頭頂發者於未發前預灸  
大椎尖頭漸灸過時止從腰脊發者灸腎輸百壯從手臂發者灸三間 瘧灸上星及大椎至發時令滿  
百壯又艾炷如黍米粒俗人不解取穴務大炷也 覺小異即灸百會七壯若後更發又七壯極難愈者  
不過三灸以足踏地以線圍足一匝中折從大椎向百會灸線頭三七壯炷如小豆壯 又灸風池二穴  
三壯 凡一切瘧無問遠近正仰臥以線量兩乳間中屈從乳向下灸度頭隨年壯男左女右 五臟一  
切諸瘧灸尺澤七壯穴在肘中約上動脈是也 諸瘧而脈不見者刺十指間出血血去必已先視身之  
赤如小豆者盡取之 瘧刺足少陰血出愈 瘡瘧上星主之穴在鼻中央直髮際一寸陷容豆是也灸  
七壯先取譴譴後取天牖風池 瘧日西而發者臨泣主之穴在目眥上入髮際五分陷者灸七壯 瘧  
寔則腰背痛虛則歎衄飛揚主之穴在外踝上七寸灸七壯 瘧多汗腰痛不能俛仰目如脫項如拔崑  
崙主之穴在足外踝後跟骨上陷中灸三壯

瘧瘧法 未發前抱大雄雞一頭着懷中時時驚動令雞作聲立瘧

治瘧符 瘧小兒父字石拔母字石鉅某甲患瘧人患瘧人竊讀之曰一切天地山水城隍日月五星皆

敬竈君今有一瘧鬼小兒罵竈君作黑面奴若當不信看文書急急如律令 右符符必須真書前後各

留白紙一行擬着灶君額上瓦石壓之不得壓字上勿令人近符若得專遣一人看符大好亦勿令灰

土傳符上致使字不分明出見者符次第如後若明日日出後發須令人夜掃灶君前及額上令淨至

發日旦令患人整衣帽立灶前讀符使人自讀必須分明讀符勿錯一字每一遍若別人讀一遍患人

跪一拜又以手捉患人一度若患人自讀自捉衣振云人姓某甲如此是凡三遍讀三拜了淨瓦以石

壓兩角字向上着灶額上勿令壓字上若瘧日西發具如上法三遍讀符至午時更三遍讀如上法如

夜發日暮更三遍讀並如上法其竈作食亦得勿使動此符若有兩竈大竈上着符若有露地竈屋裏

竈上着止有露竈依法着之仍須手捉符其符法如後若有客患會須客經停過三度發三度委曲著



符如上法符亦云客姓名患瘧乞拘錄瘧鬼小兒如左凡治久患者一著符一漸瘥亦可五度著符如始可全瘥又須手把符如左


王良符張季伯書之急急如律令

右王良符依法長捲兩手握念佛端坐如須行動檢校插着胸前字頭向上 右二符各依法一時用不得闕一符萬一不瘥但得一發輕後發日更讀即瘥一一仔細依法若字參差即不瘥

診瘧毒證第十六

江東江南諸溪源間有蟲名短狐溪毒亦名射工其蟲無目而利耳能聽在山源溪水中聞人聲便以口毒射人故謂射工也其蟲小毒輕者及相逐者射着人影者皆不即作瘥先病寒熱身不喜冷體強筋急頭痛目疼張口欠咳嗽呼吸悶亂朝旦少蘇醒晡夕輒復寒熱或似傷寒發石散動亦如中尸使不能語病候如此自非其土地人不常數行山水中不知其證便謂是傷寒發石散動作治乖僻毒盛發瘥復疑是瘧疽乃至吐下去血復恐疑瘧毒是以致禍耳今說其狀類以明其證與傷寒別也方見二十五卷備急篇中







S957c

1915

v. 1 no. 9-10